

CIMELIA

Qu

5456


kat. komp.




5456

SIMELIA







Cim. Qu. 5456

Korn. Zahl 18

Bibl. Jag.

ad hanc hanc

DVÆ EPISTOLÆ

ALTERA ALOYSII LIPOMANI VENETI,

Episcopi Veronæ, Rom: Pontificis in Polonia Legati, ad Illustrissimum Principem D. Nicolaum Radiuilum Palatinum Vuilnensem, &c.

Altera uero eiusdem Illustrissimi D. Radiuili ad Episcopum, et Legatum illum.

*Lectu dignissima, si ulla fuerunt nostra etate.*

2. ad Thessal. 2.

Reuelabitur ille iniquus, quem Dominus Iesus interficiet spiritu oris sui, et destruet illustratione aduentus sui,

Regiomonti Borussiæ excudebat Ioannes Daubmannus.

M. D. LVI.

4 1

DVAE EPISTOLAE

ALTERA ALO

YSILIPOMANI VIBRTI

Episcopi Veronae Romae Pontificis in

Poloniae Regis ad Illustrissimum

Principem D. Nicolaum Radulium

Palatinum Vulturiam &c.

Altera vero eiusdem Illustrissimi D.

Radulii ad Episcopum et Regem illius

Regni dignissimum se ille fuerunt nosse ante.

2. ad Thebal. 2.

Reverendissimi Illustrissimum quem Dominus Iesus

inter sanctos spiritus suos et beatus

Illustratione adveniens sui

Regionem Borussis excubens

Ioannes Dabmannus.

M. D. LVI.

# VERGERIVS.

**M**eministi, Christiane lector, uerbi illius, quod spiritus sanctus protulit Deuter. capite. 28. Percutiat te Dominus amentia & cœcitate, & furore mentis, &c: Hoc nunc Papatui accidit, quem uidemus præ nimia rabie, quia uidet se spiritu oris Dei quotidie magis magisque in præceps impelli, & ruere amentem & furentem.

Nam cum in tanta eius declinatione nulla certior ratio inueniri potuisset, qua saltem extraheret tempus, suumque improbissimum dominatum, & tyrannidem utcumque tueretur, quam si eorum hominum, qui sunt præcipua apud reges & Monarchas prudentia & uirtute præcipuaque autoritate, gratiam & beneuolentiam sibi moderatione quadam & dexteritate conciliaret, contra nunc Papatui facit, atque hos ipsos, summa iniuria, & contumelia excipit, tanta est superbia, tanta arrogantia, atque insolentia.

Quamquam uero hæc ubique maxima apparet in ea praua generatione, tamen nunc in publicum emitto, magna quidem

(ut soleo) cum alacritate & lætitia (nā de pa-  
tesacienda deq; euehenda potentia & gloria  
cœlestis mei patris, deq; diffamando & con-  
ficiendo Antichristo agitur) Aloysij Lipo-  
mani Veneti, Episcopi Veronæ, Papparum  
in regno Poloniae internunciij, Epistolam  
qua magis proditur illorum incredibilis in-  
solentia, atq; arrogantia, addo etiam, impru-  
dentia, cæcitas, & furor, quo nunc magis  
sunt percussi, quam unquam antea.

Est enim apud serenissimum Sigis-  
mundum Augustum Poloniae summa uir-  
tute, summaq; foelicitate regem, Illustrissi-  
mus Princeps & Dominus, Dominus Ni-  
colaus Radiuillus Dux in Olika, & Niesuis  
Palatinus Vuilnensis, &c. in quem Deus,  
natura, & studia plurima & maxima orna-  
menta et plurimas foelicitates congesserunt,  
tanta in uniuerso illo regno autoritate,  
quanta (audeo dicere) nemo est hac ætate  
apud ullum ex regibus, & Monarchis,  
Hunc igitur optimum Principem, hunc in-  
signem heroem, præclarus ille Episcopus  
exceptit impudentissima Epistola, lege ob-  
secro, lege, nam hic sub sequitur, atq; interim  
cogita, qua superbia atq; immanitate cre-  
dendum

•dendum sit talem legatum solere excipere  
medios et infimos uiros, si audet summos  
tam indigne, & tanta barbarie excipere &  
laceffere, tametsi uix crediderim fuisse hoc  
de exagitando Illustrissimo R. adiulo sol-  
ius Lipomanni consilium, sed iubente atq;  
urgente Ioanne Petro Carapha nunc Papa  
atq; Antichristo, omnium quos Romana  
Sinagoga aliquando enixa fuerit arrogan-  
tissimo, pertinacissimo, ambitiosissimoq;  
scriptam fuisse tam insanam Epistolam,  
nec sine purpuratorum patrum consilio,  
nam scio morem, quum enim uident  
aliquem ex potentioribus discedere ab  
eorum placitis, si non possunt armis ul-  
cisci, nec rapere ad carceres, ad rogos, ad  
cruces, hunc saltem per suos emissarios  
curant inurendum notis sempiternæ infa-  
miæ, ut ipsi quidem stultissime putant,  
nam ea demum est uera laus & gloria, mis-  
sum facere Papatum cum omnibus suis  
corruptionibus atq; idolomanijs, genui-  
nam uero & germanam Iesu Christi filij  
Dei doctrinam amplecti, & summa con-  
stantia tueri. Sed iam lege Epistolam  
attente, nam quale responsum tulerit pau-

lo post magna cum uoluptate, & magna  
cum admiratione leges.

Regiomonti in Prussia, Kalen. Octob. i

M. D. LVI.

# ILLVSTRIS

SIME PRINCEPS ET

Domine mi Colendissime.



Reuerendus Dominus Adamus Conarski Reginus Secretarius suis Literis die 15. presentis mensis Vilnae datis me

Ampissimae Dominationis tuae nomine salutauit certissimoque ab ea me ualde amari, testimonio confirmauit. Qua de re etsi multis antea nominibus Illustrissima D. T. haud parum debebam, nunc cum illud etiam ad suorum erga me cumulum meritorum accesserit, ut absentem non oblita, uelutro me per communem amicum nimium amanter saluere iusserit, non possum ei me non summopere deuinctum fateri.

Hac tua fretus beneuolentia, Princeps Illustrissime has ad te scribendas duxi, ut aliqua Amplitudini tuae suggeram, quae illi fortasse sunt ignota: Neque enim me Christiani uiri aut grati hominis officio fungi arbitrarer, si haec illi patefacienda mi-

nime

nime curarem : quæ ut in optimam par-  
tem accipiat rogo, sunt enim ab amante  
animo candidoq; profecta. Ego qui-  
dem Clarissime Domine, cum adhuc Au-  
gusta Vindelicorum apud Serenissimū  
Romanorum Regem in Comitij's agerem  
quædam audieram de Excellentia Tua  
Clarissima, quæ mihi non placuerant,  
eam uidelicet a catholica fide penitus dese-  
cisse, et cum nouis hæreticis manus iunxi-  
se, Certum uero huius rei signum mihi  
afferebant, quod cum illa ab instituto suo,  
(sic enim dicebant) discedere non uellet  
Serenissimus Romanorum Rex illi aper-  
te prohibuerat ne sextis ferijs & Sabbato-  
rum diebus carnes comederet, quoniam  
hoc esset contra sanctæ matris Ecclesiæ  
constitutum, Hæc in quâ ibi tum audieram,  
sed postquam ad Serenissimum Regem  
nostrum ueni, et Illustrissimam D. T. allo-  
cutus, tanta morum probitate ac tam san-  
ctis desiderijs uidi ( fateor ingenue ) om-  
nis illa quam mente conceperam de ea si-  
nistra opinio cito euanuit, uirumq; opti-  
mum & fidelem Christianum exinde sem-  
per arbitratus sum Illustrissimum Palati-  
num Vihensẽ. Sed

Defector a  
fide.

Factus hæ-  
reticus,

Ergo nunc  
habes pro  
malo uiro  
& infideli  
Christiano.

Sed postquam Varssouiam sum  
ultimo loco reuersus ea ipsa, quæ Augustia  
audieram, & illis longe deteriora non a  
uulgaribus hominibus, uiliq; plebecula, sed  
a magnis senatoribus, testibusq; grauissi-  
mis, in quos exceptio nulla cadere possit  
de tua Amplitudine audire mihi contigit,  
& tanto quidem animi mœrore quantus  
unquam mihi contingere potuisset. Quid  
uero erat, quod hæc audiens non maxime  
dolerem, cum te sum opere non solum ex  
animo diligam, sed amem potius, uenerer  
et obseruem. Dixerunt enim Palatinum Antesigna-  
Vilnensem antesignanum esse hæreticorū nus hæreticorū  
in hoc regno. Ad ipsum tanq; ad asy- Asylumpe  
lum confugere pestilentes hos omnes in- stilentū no-  
nouatores. Ipsum domi et passim, quo- uatorum.  
cunq; in loco uigeat sua ditio atq; potestas  
altare sacrilegum contra altare pietatis, &  
cathedram Pestilentia contra ueritatis ca-  
thedram erexisse. Ipsiuni communio- Sacriligus  
nem sub utraque specie non solum fouere Pestilens.  
sed primum in aulam suam introduxisse.

Secum alere, qui blasphemias novas  
has disseminant. Concionatores falsos  
admittere, qui Ecclesiam dei subuertant.

Receptor  
blasphemo-  
rum, & fal-  
sor Conci-  
onatorum.

B

Libellos

Libellos hæreticos non solum legere sed  
& alijs legendos offerre & imprimen-  
dos curare. Sacratissimam Eucharis-  
tiam idololatriam nuncupare, eiusquæ rei  
dederunt non exigua inditia, quod cum  
Dominatio Tua Amplissima est cum Re-  
gia Maiestate in Ecclesia, nunquã uultum  
attollit in sacratissimæ hostiæ et calicis eleu-  
tione, sed aut cogitabund<sup>o</sup> faciem demittit,  
aut literas fingit aliunde missas legere, Non  
tenere Romanæ Ecclesiæ super omnes ali-  
as primatum, neque Papam habere pro  
Christi Vicario.

Dixerunt etiam illam credere uan-  
na esse pro defunctis suffragia.

Non esse aliud Purgatorium, quam  
Sanguinem Christi, Præbiteros debere  
esse coniungatos. Sacra in materna lin-  
gua euulganda. Aliaque tot & tanta de-  
tulerunt, quot & quanta Lutherus ipse  
cum uniuersa sua toto errante cœlo Ger-  
mania inuenire non potuit. Id etiam ad-  
diderunt, Excellentiam Tuam secreto foue-  
re hos oēs nebulones et quicquid fauore  
fidei per Regiam Maiestatem decernitur  
arte

Fautor nes  
Bulorum.

Perfidus Re  
is consilio

arte & industria sua euanescere secretisque  
nūtijs agere ut ij ad quos ea res spectat, con-  
trarium exequantur. Mississe etiam nunc  
Geneuam seu Basileam nobilem quendam  
ex domo sua, qui Caluinum, Laschi &  
Lismaninum hæreticos aduocet & quot-  
quot poterit inuenire, pseudomagistros  
prurientes auribus adducat, qui contra ca-  
tholicam doctrinam disputent quo Apo-  
stolicam q̄ sedem Antichristi Regnum (ut  
illi dicunt) Dominatio Tua Clementissima  
appellare solita est, funditus euertere co-  
nentur. Demum quicquid hæresos impie-  
tatis & perfidiæ in Polonia regno inueni-  
tur hoc infelicissimo tempore totum id  
Illustrissimo Vilenfi Palatino acceptum  
refferunt,

Amator hæ-  
reticorum,  
& pseudo-  
magistro.

Hæreticus,  
impius, &  
perfidus,  
quid potest  
atrocius.

Hæc inquam cum audiui Amplissi-  
me Domine, ualde ut par erat commotus  
sum doluique ex animo me hæc Vilna  
non ita intellexisse, dedissem enim operam  
pro tua in me beneuolentia et obseruan-  
tia in te mea, ut his de rebus tecum priua-  
tim agerem,

B ij Credi-

Cur ergo  
ob tam gra  
uē causam  
Vuilnam  
nō accedis  
Lipoma,  
nāc.

Non est du  
bium quin  
etiam cupi  
as.

Credidissem uero pro Dei benignitate  
& misericordia, & pro ea, que maxima est,  
uis ueritatis, me a tua Excellentia non fu-  
isse prius recessurum quam in partes Ec-  
clesiæ, si ab illa deuiasset, facile concessisset,  
idque sacra scripturæ autoritatibus, sancto-  
rum conciliorum, decretis, ueterum, sancto-  
rum patrum unanimi consensu, & totius  
Ecclesiæ catholicæ obseruatione conten-  
dissem. Quod quia factum non est, equi-  
dem eo cruciatu maiore torqueor, quod  
hæc ipsa que audio de tam magno uiro  
meique amantissimo, dignitatis suæ splen-  
dorem macula ea, quam nemo unquam  
eluerè possit aspergunt, Si hæc uera sunt  
Illustrissime Domine, quæ de Amplitudine  
tua circumferuntur mala sunt atque etiam  
ualde mala, quibus nisi cito finem impo-  
sueris uehementer horreo, corporis et ani-  
mæ hac totius Clarissimæ domus tuæ  
interitum, nam Deus (Credas mihi) non  
diu hæc impunita dimittet, non dico tan-  
tum in futuro sæculo, ubi certa erit damna-  
tio, uerum etiam in præsentī. Et eius-  
modi rei plura adducere tibi possem ex-  
empla, quam capillos ( ut aiunt ) geram in  
capite

capite, Sin uera non sunt, prout amor singularis quo Amplitudinem tuam prosequor, me credere compellit, saltem efficiat (oro) & modis omnibus curet, ne de illa tam horrenda & portentosa efferantur.

Id autem proculdubio consequetur si tantum studij deinceps in destruendis peregrinis doctrinis adhibuerit, quantum in euertendis rectis dogmatibus hucusq; adhibuisse prædicant. Nam cum Illustrissima Dominatio Tua sacris literis (quod sciam) operam non dederit non debet in negotijs fidei magistri officium suscipere et multo minus pati se tanquam leuem paleam omni doctrinæ uento circumferri: Nam si cum talibus hominibus, cum quibus illa sentire dicitur, tantum Christus est, heu in quem angulum Regnum illius arctatum est: Si cum illis est Ecclesia, falsa est uox Patris filio promittentis: Dabo tibi gentes hereditatem et possessionem tuam terminos terræ. Falsa est uox Propheta: Dominabitur a mari usq; ad mare, & a flumine usq; ad terminos orbis terrarum. Falsum est & illud: Omnes gentes quascunq; fecisti uenient, & adorabunt coram te Domine

Euersor re-  
ctoꝝ dog-  
matum.

Indoctus sa-  
crarum lite-  
rarum.

ne & glorificabunt nomen tuum, Falsa certe ista omnia si tam parua eius hereditas & possessio facta est ut eam non nisi Germania paucaque Regni Polonia terrula possideat. Si hoc uerum est, iam Christus gratis mortuus est, qui tam paucissimos sua est morte lucratus. Si hoc uerum est Spiritus Sanctus ab hinc amplius mille & quingentis annis non fuit in Ecclesia quem tamen Saluator misit, ut esset nobiscum in æternum, & doceret nos omnem ueritatem. Sed hæc non sunt presentis loci.

Claudio Princeps Amplissime Epistola meam duorum grauissimorum sanctorum dictis: altero Athanasij Alexandrini Episcopi Ecclesie catholice columna

Contra te adducis.

Contra Arrium, ita dicentis. Hæc fides est quam Christus Apostolis tradidit, & ab Apostolis ad nos usque peruenit. Nec possumus eam in aliquo immutare, quam constat nos debere ab initio ut data est fideliter conseruare. Altero diui Hieronimi contra Luciferianos dicentis: Breuem tibi apertamque animi mei sententiam profferam

Quali in Anglia, in Gallia, in Italia omnes uobis cum sentiant.

Quid illud pauci elegerunt?

Contra te adducis.

Cur ergo non conseruatis?

ram in illa esse Ecclesia permanendum quæ. Hoc quoque  
ab Apostolis fundata usque in diem hunc. contra  
durat. Sic ubi audieris eos qui dicuntur. te diserte,  
Christi non a Domino Iesu Christo sed a. nam in illo  
quoque alio nuncupari, ut puta Marcionitas. la profus  
Valentinianos, Montenses, siue Campa- nos mane  
tes, scito non Ecclesiam Christi. Sed. mus.  
Antichristi esse sinagogam. Ex hoc.  
enim ipso quod postea instituti sunt, eos se  
esse indicant quos futuros Apostolus præ-  
nunciauit. Nec sibi blandiantur, si de scrip-  
turarum capitulis uidentur sibi affirmare  
quod dicitur, cum & Diabolus de scriptu-  
ris aliqua sit locutus & scripturæ non in le-  
gendo consistant sed in intelligendo. Vos non in-  
telligit.

Hæc sunt Illustrissime Domine, quæ  
cum animum meum ualde stimulant  
filere non potui. Ea uero charitate  
scripta sunt quæ maior certe inueniri  
non possit, Nouit Deus si Amplitudinem  
tuam in uisceribus cordis mei gero idque  
ob eius præstantes eximiasque uirtutes.

Nam

Nam quod olim de Saladino Sarra-  
cenorum Principe dicebatur, nihil ei ad uir-  
tutem defuisse, nisi quod Christianus non  
esset, id quoq; de te uir Amplissime merito  
nunc dicendum uidetur, nihil tibi ad uirtu-  
tum cumulatum deesse, si eam, quam perse-  
queris catholicam fidem fueris amplexus  
si ea tamen, q̄ de te feruntur, uera sunt, quae  
pro syncera mea in te charitate falsa esse  
non solum cupio, sed uehementer exopto.  
Bene ualeat Illustrissima Amplitudo Tua  
meque sui nominis studiosissimum, atque  
amantissimum semper fore confidat. Ex  
Arce Louitij die XXI. Februarij.  
Anno M. D. LVI.

Illustrissimæ D. T. obseruantissimus.

AL. Lipomanus Episcopus  
Veronensis, indignus Nun-  
cius Apostolicus.

Illustrissimo Domino Nicolao Radiuil  
Palatino Vuilnensi, &c. Domino obser-  
uandissimo.

Inscriptio  
Epistolæ.

# VERGERIVS.



ATISNE IMPVDENS  
uisa est tibi hæc Epistola Chri-  
stiane lector? Quid illud in pri-  
mis, Demum quicquid HÆRESEOS, „  
IMPIETATIS, & PERFIDIAE, in „  
Polonia regno inuenitur hoc infelicissi- „  
mo tempore, totum id Illustrissimo Pala- „  
tino Vilenſi acceptum referunt? potuit  
ne quicquam dici atrocius? Sed quot præ-  
terea euomuit conuitia in tantum Princi-  
pem? quot etiam blasphemias in doctri-  
nam nostram, allatam e sinu coelestis patris  
quam inepte, quam stulte sibi persuadet  
nobis aliam esse fidem, aliam Religionem,  
quam quæ a Christo filio Dei tradita est  
Apostolis, & quam Apostoli docuerunt?  
In summa prodidit hic suam non modo  
imprudentiam, sed ignorantiam quoque  
Reuerendus ille pater, ut pote qui nec sta-  
tum quidem adhuc assequitur huius tam  
celebris & decantatissimæ causæ, quæ hac  
ætate de religione controuertitur.

C

Quid

Quid interea Illustrissimus Raduilius:  
putauit ne accepta Epistola ulciscendam ini-  
uriam sibi illatam: petendam uicissim fa-  
mam, existimationem, aut forsitan uitam  
legati, ut Papista, ut Carnales faciunt: Ni-  
hil certe minus, sed tulit æquo animo ac  
condonauit omnia maledicta in se modo  
iactata, imo, quod Christianum uirum de-  
cet, orauit æternum patrem D. N. Iesu  
Christi ut unguento spiritus sui sancti sanet,  
aperiatque oculos illius cæci hominis. om  
Sed quæ iactata fuerant in nostram doctri-  
nam, nostrarumq; Ecclesiarum ministros,  
petebantque recta honorem patris cœ-  
lestis, hæc minime ferenda putauit, imo  
scripta diligenti Epistola confutanda. om  
Confutauit igitur ( quantum Epistolæ ra-  
tio ferebat ) firmissimis argumentis, atque  
interim adidit nobis suæ fidei cōfessionem  
ac patefecit se Ecclesijs intrepide, nec puta-  
uit habendam ullam rationem illarum om-  
nium rerum, quæ plurimos, ne se nostris  
partibus adiungant, quum tamen agnos-  
cant ueritatem, remorari solent. Quare  
habemus certissimam ueluti arram ab illo  
optimo Principe, qua sancte promittit se  
bun omnes

omnes suas opes, omnia sua studia, omnem  
 suam autoritatem, sanguinem denique &  
 uitam omnem paratum esse profundere,  
 quo purior Euangelij doctrina contra om-  
 nem potentiam & fremitum mundi, reti-  
 neatur, & quotidie magis promoueatur.  
 Nam ut scias rem omnem, Christiane lec-  
 tor, atque obiter tibi incipiam reddere rati-  
 nem peregrinationis meæ, peruasi e Bo-  
russia seu Prussia in Lituaniam usque, dun-  
taxat ut talem Principem uiderem, atque  
 alloquerer, audiui, sum allocutus, affir-  
 mo cum uere sentire spiritualem regeneratio-  
 nem, agi spiritu sancto, esse filium Dei, &  
 membrum corporis Christi, omnia hæc qua  
 modo dixi, mihi Ecclesiarum Christi no-  
 mine, quasi stipulanti promississe, & propter  
 rea etiam consensisse, ut eius Epistolam  
aderem, ac uerterem in Italicum, Agendæ  
 certe maximæ gratiæ Deo pro hoc fratre,  
 p hoc tam magno ornamento, et præsidio,  
 quod addidit nostris Ecclesijs, & orandº ut  
 illi augeat thesaurum fidei, & spiritus san-  
 cti, atq; ut alios quoque huiusmodi excitet  
 nutritios, hospites, & patronos Ecclesiæ  
 suæ sanctæ, p Christum Dominum nostrum.  
 Sed iam responsum lege. C ij Re-

RESPONSVM ILLVS-  
TRISSIMI PRINCIPIS  
Nicolai Radiuili ad easdem literas.

REVERENDIS  
SIME DOMINE AMICE  
charissime ac honorande salutem  
et Christianam foelicitatem,



QVOD REVEREN-  
dam Dominationem tuam de  
mea erga illam uoluntate Reuerendus Do-  
minus Conarski Maiestatis Regiae Secre-  
tarius literis suis certiozem fecerit, egit hoc  
sane, ut uerum fatear me penitus inscio,  
Etsi etenim in eo sermone, qui mihi secum  
non ita pridem mutuo acciderat, multa  
sim de D. tua Reuerenda & amanter &  
honorifice locutus, tamen ut ad eam defer-  
rentur non putabam necessarium esse, Pro-  
inde studium quidem hoc in me ipsius,  
quo Reuerendam D: tuam conatus est mi-  
hi amicitiozem reddere non solum non im-  
probo

probo, uerum etiam uehementer laudo  
gratiasque illi ago plurimas. At quod  
Reuerenda D. tua, pro hac mea quantula-  
cumque declarari potuit humanitate et be-  
neuolentia multum se mihi & debituram  
esse & deuinctam fore asserat, non uideo  
quomodo tantum sim de illa meritis, ut  
qui ceteris quoque omnibus exteris, qui mo-  
do Aulam Serenissimi Regis nostri adeunt  
eadem omnia, mente eadem, libentissime  
solitus sum prestare. Par est profecto  
mea hac Reuerendæ D. tuæ, cum alijs hu-  
manitas nihil peculiare est, quod in ipsam  
contulerim, communius hac apud nos ex  
maiorum more, & gratia & fortuna esse  
omnibus solet. Itaque nec ego etiam  
peculiarẽ aliquam nomine hoc a Reueren-  
da D. T. expeto, exoptoue gratiam.  
Satis est si id mihi redditur, ut animam me-  
um, meaque amica, & candida officia esse  
apud se grata iucundaque sinat. Cuius  
rei declarandæ ac testificandæ gratia, quod  
Reuerenda D. T. pro uiri boni hominis-  
que, ut præferebat, in primis Christiani mune-  
re capta istinc occasione non nulla mihi ig-  
nota quasi, idque animo & candido & mei

maioŕem amante ac ſtudioſo, perſcriben-  
da communicandaque opere præcium  
duxerit, non poſſum non fateri agnoſcere  
me in eo, ſuæ erga me gratiſſimæ uolunta-  
tis non obſcura inditia, quæ ut eo etiam  
magis chara mihi ſint, quum hic Reue-  
rendæ Dominationis tuæ candor & ſingu-  
laris beneuolentia, tum uero ætas eius, non  
uulgari ut uidere licet condita humanitate  
effecit. Accepta ergo hæc a me ſunt om-  
nia in partem (quod aiunt) optimam, &  
ita ſane accepta, non quemadmodum Re-  
uerendæ D. T. arbitratur ignota, ſed pror-  
ſus ut notiſſima, neque ut intra meos tan-  
tum priuatos ſenſus abſtruſa atque recon-  
dita, ſed ut ſæpe ante hæc a me palam ac  
publice, et profeſſa et multorum hominum  
oculis multis in locis, ſine fuce, ſineque om-  
ni ſimulatione obiecta. In quibus licet  
fortaſſe, quæ mea ſit ſententia Reuerendæ  
Dominationi Tuæ confirmare uel ipſo ſi-  
lentio poſſim, tamen ut ne hanc ſuam in  
me compellendo cohortandoque liberta-  
tem, uel neglectam a me, uel proſus con-  
temptam eſſe exiſtimaret, reſpondendum  
illi breuiter ad ſingula duxi, eo modo eo-  
demq;

demque ordine, qui mihi ab illo proposi-  
tus est per omnia seruato. Atque id  
equidem non quo quantum in ista harum  
disputationum controuersia, uel ingenio,  
uel etiam arte doctrinaque possim osten-  
tem, Sed ut qui meus sit de obiectis sensus,  
& quibus fundamentis quibusue rationi-  
bus nitatur simplicissime exponam.

Sum fateor homo aulicus, magisque  
militiæ artibus quam studio Theologiæ  
atque Philosophiæ deditus. Attamen  
cui nihil desit ex ijs, quæ Deus hominibus  
ad inuestigandam sui noticiam uerumque  
sui cultum ac ueram religionem cognos-  
cendam & apprehendendam pro sua ad-  
mirabili bonitate indidit ac concessit.

In

**I**n primis autem scribit R. D. T. Cum non ita pridem Augusta Vindelico- rum apud Serenissimum Romæ Regem aliquandiu ageret, audisse se quidem de me quæ illi minus placuissent, nimirum me a Catholica fide pœnitus defecisse manum etiam cū nouis hæreticis iunxisse, ei rei allatum ad se iudicium, me cum discedere non lim ab instituto, aperte a Regia Maiestate prohibitum esse, ne, quoniam id contra sanctæ matris Ecclesiæ erat constitutum, Sextis ferijs & diebus sabatorum carnibus uescerer.

Ex his sane ipsi R. D. T. uel facillime existimare potest, quam ego sermones illos qui tunc ibi de me uulgabantur, esse mihi uoluerim ignotos, cum ea quæ domi facerem sic essent intra eius parietes foresque conclusa, ut non solum in uulgus ipsum, sed & ad Regiam Maiestatem statim prorumperent, cuius iudicium & autoritatem si cuiquã in ea parte parum uidebar ueritus, multo minus moror, quin etiam maximopere letor ea & R. D. tuæ, & sui similibus non potuisse probari, pro com-  
perto confirmatoque habens, ab eius loci  
atque

atque ordinis hominibus, quæ recta sunt  
pro malis, quæ mala pro recte factis cense  
ri. Sic apud Euangelistam homines eius  
dem farinae scribæ et Pharisei, Christum Do  
minum orbis, et saluatorem uniuersi mun  
di, publicanis conuersantem, agrum in Sa  
bato curantem, Apostolos uellentes in die  
festo spicas, ut manifestos legum latarum  
transgressores uiolatoresque calumniose  
accusant. Accusatur & Paulus Aposto  
lus, uas misericordiæ Dei selectissimum,  
multarum gentium doctor, ab oratore Ter  
tullo, primum coram Anthonio Fœlice  
postea coram Portio Festo, Iudeæ præsidie  
bus, cum de multis criminibus alijs, tum  
præcipue de perturbato, pesteque maxima  
infecto uniuerso terrarum orbe, In quem  
modum cum & ceteri quoque Apostoli  
multique alijs sanctissimi uerbi Dei præco  
nes ab illis simbriatis legum, traditionum  
que custodibus & interpretibus criminati  
sint, minime uideri mirum debet, me qui  
tantummodo auditor sectatorque eorum  
sum doctrinæ, hærescos seu ipsius Christia  
næ sanctæ catholicæ fidei, defectionis nota  
ri, Subijcitur uero huic ipsi calumniæ, pro

inditio, ceu quodam certo, firmo & infalli-  
bili argumento, ipsaque ut aiunt, notissima  
quadam demonstratione, esus carniū,  
mihi tunc ibi diebus prohibitis, & uulgaris  
& usitatus.

Sed quantum id ad fidem catholicam,  
uel declarandam, uel confirmandam, aut  
infirmendam habeat momenti, non sane  
conspicio. Cum ipse Iesus Christus Do-  
minus & doctor noster, sanctæ suæ Eccle-  
siæ caput, Summusque Pontifex manifeste  
prædicet. Non quod ingrediatur in os,  
impurum facere hominem, sed illud quod  
egrediatur ex ore. Quo argumento ma-  
nifestissime confutat Phariseorum in die-  
rum obseruatione, ciborumque delectu ob-  
stinatam cæcitatem, dicit enim Apostolis,  
Phariseos ex eo uerbo scandalizatos esse,  
referentibus, Sinite inquit eos, Cæci sunt,  
& duces cæcorum. Adhucque commina-  
tionem. Omnis plantatio, quam non plan-  
tauit pater meus cœlestis, eradicabitur.

Hinc facile iudicari potest, quid carni-  
bus sit cum fide catholica commune.  
Nam & ipse diuus Paulus, summus eius  
fidei propagator, Colossensibus scribens,  
nemo

nemo igitur, ait, uos iudicet, de cibo & potu. Item ad Titum. Omnia munda mundis, inquit, Coinquinatis autem, & infidelibus, nihil est mundum. Et diuus Augustinus, Non ex ipsa earum rerum natura, quibus utimur, sed ex causa utendi, & modo appetendi, uel probandū, uel improbandum esse, quod facimus, admonet, fieri enim posse, ut sine aliquo cupiditatis & uoracitatis uitio, præciosissimo cibo sapiens utatur, Insipiens autem, foedissima gulæ flamma, in uilissimum olus ardescat: Multa doctorum similia his, nisi breuitati consulerem, possent comminisci. Noua hæc est, non Ecclesiæ, ut Reuerenda Dominatio tua putat, sed quarundam paucarum in Romano Pontificatu, personarum, uel potius perniciosissimarum pestium, in dierum obseruatione, ciborumq; delectu, superstitione, facile si liberet, & nisi Dominationi tuæ notius id quam mihi esset, nomina hie eorum, quæ quis quo tempore, & qua libidine in Ecclesiam adsciuit, enumerare possim. Quorum execranda temeritas, & audacia, quia antiquissimarum Synodorum decretis, Martini

Dñi Papæ

Papæ, Anticyranæ, Bracaren, Toletana, damnata reiectaque est, nescio quomodo quis esse constitutionem Ecclesiæ affirmet, quod semel ipsa Ecclesiæ autoritas & damnauit & repudiandum esse perpetuo censuit, ita, ut qui clericus olera cum carni- bus cocta, quasi illicita, propterea que sper- nenda atque execranda non manducaret, aut saltem degustaret, eum tanquam hære- seos suspicionem a sese non remouentem ipso ordine officioque deponat. Ipsumq; Episcopum, qui in eam dignitatem assum- mendus sit, inter cætera examinandum iu- beat, an carniū perceptionem non culpet.

His & plerisque alijs argumentis, ra- tionibus, scripturis, doctorum authorita- tibus, conciliorum decretis, denique ipsius etiam urbis Romanæ, in qua in hunc usque diem, omnibus temporibus, carnes esse, sine discrimine in usu dicuntur, exemplo adductus, & edebam tunc, ut ferebar, car- nes, & nunc absque conscientia in Christi nomine, cum gratiarum actione, edo. Ne- que propterea, ut iam declarauit, uel hære- ticum me, uel Christianæ catholicæ fidei desertorem puto.

At

At a Regia Maieſtate, ut ne id face-  
rem eram admonitus, agnoſco ſane, Sed ne  
que hoc me defectionis arguit, neque ita  
admonitus eram, ut abſtinerem penitus,  
quo factum eſt, ut optimi, Chriſtianiffimiq;  
Regis, clementiffimæ admonitioni, mo-  
rem libentiſſime gerens, mihi nihil ſubdu-  
xerim, alios qui ea ſuperſtitione tenerentur  
non im mutauerim, ijs præfertim, quos uos  
contra æterni immortalis que Dei, certum  
& immutabile decretum eſſe ita uultis,  
nefaſtis diebus.

Hæc ſunt Reuerende Domine, quæ  
humaniffimam tuam Dominationem in  
prima hac ſuarum obiectionum particula  
eſſe, breuiter, de ſenſu, intellectu, uſuq; meo  
commonefactam uolui, Præter hæc nihil  
prorſus eſt, quod ipſa me, uel aliter quam  
ſcripſi, ſentire, uel ut ſentiam adduci poſſe  
aliquomodo putet. Nunc de ijs quæ  
ſubſequentur.

Scribit R. D. tua, hæc ſe ibi quidem  
de me, ut præfatum eſt, audiuiſſe, Sed poſt-  
quam ad Sereniſſimum Regem noſtrum,  
uenit, meque allocuta, tanta morum probi-  
tate, ac tam ſanctis deſiderijs ornatum ui-

dit, fateri ingenue, omnem eam, quam de me conceperat mente, sinistram opinionem, euanuisse statim, & exinde semper arbitratam esse, quod Palatinus Vlnensis, uir optimus et Christianus sit, plane fidelis.

Hic ego quod rescribam, præter id nihil habeo, quam rem me quidem magnam existimare, & in consequenda uera felicitate insignem, ac præstantissimam, Si quis inter alia, quæ esse probro & dedecori solent, hominibus sinistra de te apud omnes opinione uacet, Cum in his ciuilibus externis actionibus, & forensi administratione, tum uero uel maxime in sacra catholica fide, pietate & religione, cuius malum exemplum, multo tetrius, detestabilius, nocentius, ac perniciosius est, Reipublicæ Christianæ, quam eorum, quæ in moribus, & ciuili societate uersantur, tamen quod opinionem eam Reuerenda Dominatio Tua, sic conceptam, e mente eiecerit, æquiusque ac moderatius de me sentire incœperit, id me parui admodum, uel nihili prorsus, & facere & existimare. Quemadmodum enim tunc, cum mea eiusmodi  
uiuendi

uiuendi ratio Reuerenda Dominationi  
tuæ displiceret, curæ mihi non fuit, ut pro-  
baretur, ita quoque ne nunc quidem, curæ  
mihi multum est, Si opinionem, quam  
ego libentissime tuli, quam conceperat,  
mutata, aliter quam de me senserat, sentire  
incipiat

Proinde & repetere, resumereque Re-  
uerendam Dominationem Tuam, pri-  
mam de me opinionem patior non inui-  
tus, & laudari me ab illa, nomineque fide-  
lis Christiani, cum ipsa, ut hinc coniicio,  
nihil minus sit, quam Christiana dignari,  
non magni facio, esseque mihi summa cu-  
ra & diligentia cauendum, existimo, ne  
cum illa, illiusque similibus religio nis  
Babilonica, purpuratis, galeratisque satel-  
litibus, Christi & ueræ catholicae fidei,  
coniuratis hostibus, quicquam quod ipsi  
filij Dei uiui, manifesto uerbo contrarium  
commune uel habeam, uel etiam aliquo-  
modo sentiam, iuxta præceptum eius-  
dem, Cauete uobis a falsis Prophætis,

Subiungit quoque ibidem R. D. tua, cum ultimo loco rediisset Varschouiam sibi ea ipsa, quæ Augustæ audierat, & illis longe deteriora, non a uulgaribus hominibus, uilique plebecula, sed a magnis Senatoribus, testibusque grauissimis, in quos exceptio nulla cadere posset, de me contigisse audire, & tanto quidem animi mœrore, quantus unquam illi contingere potuisset. Quid enim, inquit, erat, quod hæc audiens, non maxime dolerem, cum te sum opere, non solum ex animo diligam, sed amem potius, uenerer, ac obseruem?

Mihi uero, quo tempore, hæc R. D. tua, ita de me Varschouia, audiebat, nihil gratius potuit accidere, quam quod ea ipsa sint, non a leuibus, uanisque hominibus, sed a Senatoribus magnis, grauissimis testibus relata. Quid enim homini pio, ueræ religionis studioso, optime sibi conscio, potest in uita iucundius accidere, quam si earum rerum, earumque actionum, quæ, si Christiani sumus, palam, publiceque nobis & amplectendæ & prosequendæ sunt, tam præclara testimonia habeat? Potuit quidem R. D. tua, si libuisset, ex me ipso, omnia

omnia præfens, quam diu hic erat, fufius ac  
locupletius, cognouiffe, diffimulaffe nihil  
omnia ad ipfum, ut aiunt, unguem, ut fen-  
tio, liberrime, libentiffimeque effudiffem.  
Quæ fi mala aut falfa effent, & reprehendi  
errorem, et familiariter corrigi permisiffem,  
fuiſſemque illi, ipſe, hac eiufmodi confeſ-  
ſione de me ipſo, religioneque quam ſe-  
quor mea, tam certo, tamque firmo testi-  
monio, quam fuerint hi, in quos ipſa, nullam  
poſſe cadere exceptionem putat. Sed  
quoniam ita accidit, ut ex alijs, eisque non  
uulgaribus, iſtam ſuam de me opinionem  
Reuerenda Dominatio tua confirmaret,  
non fero moleſte, quin potius, magnam  
ex eo uoluptatem capio, quod quæ ego  
omnium oculis, apertiffime proponere de  
me ſoleo, iudicia, ea omnium habeantur  
in ore.

Hoc Reuerendæ Dominationi tuæ, ut  
ſubiungit, dolere, ipſe quoque uehementer  
doleo. Nam quod me a ſe maximope-  
re, non diligi ſolum ex animo, uerum eti-  
am & uenerari, & obſeruari, ſcribit, ignoro  
qualis ea ſit futura dilectio, quæ per fucum  
lenociniumque uerborum, in dolorem

uel potius inuidiam, propter piam, honestam & Christianam uitam desinat. Id ut eo illustrius sit, ea quibus Reuerenda Dominatio tua esse sibi partum scribit doctorem, referam, sic enim inquit.

Dixerunt quippe, Palatinum Viliensensem, antesignanum esse hæreticorum in hoc Regno, ad ipsum tanquam ad asylum confugere pestilentes hos omnes innouatores, ipsam domi, & passim quocumque in loco uigeat sua ditio atque potestas, altare Sacrilegum, contra altare pietatis, & cathedram pestilentia contra ueritatis cathedram erexisse. Ipsum communionem sub utraque specie, non solum fouere, sed primum in aulam suam introduxisse, secum alere, qui Blasphemias nouas has disseminant, Concionatores falsos admittere, qui Ecclesiam Dei subuertant, libellos hæreticos, non solum legere, sed & alijs legendos offerre, & imprimendos curare. Sacratissimam Eucharistiam Idololatriam nuncupare, eiusque rei dederunt non exigua indicia, quod cum Dominatione tua amplissima, est cum Regia Maiestate

iestate in Ecclesia, nunquam uultum attol-  
lit, in sacratissima hostia, & calicis eleua-  
tione, sed aut cogitabundus faciem demit-  
tit, aut literas fingit aliunde missas legere.  
Non tenere Romanam Ecclesiam super om-  
nes alias Primatum, neque Papam habere  
pro Christi uicario. Dixerunt etiam  
illam credere, uana esse pro defunctis suf-  
fragia, non esse aliud Purgatorium quam  
sanguinem Christi. Presbiteros debere esse  
coniugatos. Sacra in materna lingua  
euulganda, aliaque tot & tanta detulerunt.

Magnum equidem hoc, atque indi-  
gestum, multarum grauissimarum quas  
unquam Ecclesia habuit, disputationum  
chaos est, quibus si ut illarum rationes,  
postulant, respondere uellem, opus in  
immensam magnitudinem abiret breui-  
tatemque quam mihi sequendam propo-  
sui, longe excederem, neque tamen id  
quod res exigit, consequerem.

Homo quippe sum, ut pratuli, au-  
licus, militiae magis, rebusque foren-  
sibus, quam studio Theologiae addictus.

E ij At

At quia Christianus utique, cum multi-  
mulatorum, huius quoque aetatis nostrae, præ-  
stantissimorum scriptorum, extent ea de  
re, & graues & prolixi tractatus, non dis-  
putandum quidem mihi de omnibus, sed  
tamen, quid de singulis sentiam exponen-  
dum ac declarandum duxi.

Ego igitur, socium me, non antesigna-  
num, eorum, quos Reuerenda Domina-  
tio tua, contumeliæ causa, per odium &  
intemperantiam, hæreticos, appellat, & esse  
& fore confiteor, ac lubens, Sequutus pi-  
um exemplum Constantini Magni Imper-  
ratoris, qui comministrum se quoque eo-  
rum, qui Niceno aderant concilio, non est  
dedignatus confiteri, nec moleste fero, ab  
eo me hæreticum dici, qui ipse, cum Pa-  
pista aut Romanista sit, nihil magis sit,  
quam mere hæreticus, pro certo & confir-  
mato habens, eam demum ueram Christi-  
anamque religionem esse, quæ huic teter-  
rimæ & execrandæ meretrici Babilonicae,  
sedem sanctam, ut Christus prædixerat,  
nefarie occupanti hæresis dicatur. Sic  
in eum nunc locum Romanae uestrae pro-  
fessionis nomen, maxima quondam ob-  
seruantia

seruantia cultum, deuenit, ut non maiori  
iudicio opus sit hæreticum esse, quam si  
Romanus sit, aut Pontificius. Si con-  
tra Christianum & Euangelicum cum tali-  
bus hominibus mihi rem esse, tales mein-  
meam amicitiam, familiaritatem, consue-  
tudinemque trahere, talium ad me concur-  
sum, me non ferre tantum, sed & uehemen-  
ter expetere, adeo non inficias eo, ut etiam  
palam & publice predicari ab omnibus &  
sinam, & laudi id mihi maxime ducam,

Altare mihi porro est, non ut Reue-  
renda Dominatio tua putat, Sacrilegum  
sed Sacrum Christianumque prorsus, non  
impietate, idololatriaue Pontificia profa-  
natum sed Christi Apostolorumque con-  
stitutione instructum. Denique non Ro-  
manæ, aut Loretanæ Mariæ, ligneis uest-  
ris dijs, & numinibus, re ipsa demonibus  
Delphicis nuncupatum, sed ipsi æterno, &  
uiuenti Deo nostro, erectum ac dicatum,

Illud omnibus, quæ Romanæ super-  
stitionis libido, inuexerat, & idolis & ab-  
usibus repurgatum, feci ut in usu esset, non  
expiandorum delictorum, non magico-

rum prestigiatorum, incantationumue execrandarum, sed in ipsius Cœnæ Domini, & repetendæ & commemorandæ. Ex eo omnes uestros, partim auro atque argento inclusos Deos, Idola omnium abominatione prosequenda, quæ gentilitas coluit, eieci, furta uestra restituti, sacrilegia reddidi, esseque solius Cœnæ Domini, puram, incontaminatâ ac ab omni scelere uacuum mensam uolui. Sicut & Priscos mensas suas altaria arasque nuncupasse Ignacius scribit, quod ad illas preces funderentur, panisque & uini esset distributio.

Cathedram quoque ueritatis, non pestilentia habeo, in qua non traditiones figmentauæ uestra (uniuersæ Christi Ecclesiæ) pestes maximæ, non Scothi, non Eckij, non Cochlei, non Vicelij, non Pigij, aut aliæ quæ uestrarum Bullarum sceleratæ & nefariæ uoces sunt, Sed ipsius uiuentis Dei uerum, certum & immutabile uerbum, per Prophetas, Christum & Apostolos Ecclesiæ traditum, sine ullis humanarum constitutionum phaleris, sonat, & cum religione docetur maxima, supra quod nihil penitus

penitus esse puto, cui fides a quoquam  
 haberi aliquomodo debeat, presertim  
 cum id fieri sine maximo discrimine non  
 possit, iuxta illud diui Chrysostomi in  
 Genesim scribentis. Non credere his,  
 quæ in diuina scriptura continentur, sed alia  
 quædam ex propria sententia inferre, opi-  
 nor, plurimum periculi secum uehere,  
 his, qui talia audent.

In communione autem utriusque  
 Speciei, sciat Reuerenda Dominatio tua,  
 me Christi Apostolorumque sequi insti-  
 tutionem, ac speciem sanctissimi illius Sa-  
 cramenti, accipere utramque, authori-  
 tate Testatoris ipsius, qui hoc nobis  
 Testamentum ita ordinauit, adductus,  
 sic enim inquit, Quicumque comederit  
 carnem meam, & biberit meum sangui-  
 nem, non morietur in æternum. Et  
 diuus Paulus Corinthiis scribens ait.

Ego enim accepi a Domino, quod  
 & tradidi uobis. Confirmant uero in  
 eo me, cum multorum grauissimo-  
 rum Doctorum, maximeque Augustini,  
 Hieronimi,

Hieronimi, Ambrosij, & Chrysostomi,  
non obscura testimonia, tum uero Gelasij  
etiam Pontificis decretum, & memoran-  
dum, & summa diligentique considera-  
tione dignum.

Comperimus autem, inquit, quod quie-  
dam, sumpta tantummodo corporis sacra-  
portione, a calice sacri cruoris, abstineant,  
qui proculdubio, quoniam nescio qua su-  
perstitione docentur astringi, aut integrum  
sacrum percipiant, aut a non integris arce-  
antur, quia diuisio unius eiusdemque mis-  
terij, sine grandi sacrilegio prouenire non  
potest. Scribitque nonnullis Episco-  
pis, ac præcipit, anathemathizari omnes,  
qui accepto corpore Christi, abstineant a  
communione calicis. In hunc modum  
quoque, & Iulius Papa, Episcopis per  
Ægyptum, Illud uero ait, quod pro com-  
plemento Communionis intinctam tra-  
dunt Eucharistiam populis, nec hoc prolata-  
tum ex Euangelio testimonium recepe-  
runt, ubi Apostolis corpus suum commen-  
dauit, & sanguinem, Seorsim enim Panis  
& seorsim Calicis commendatio memo-  
ratur. Possem hic & alia multa comme-

morare

morare quibus quo minus tam nefandum  
& tam sceleratum, in denegatione alte-  
rius speciei sacrilegium execrer ac abomi-  
ner, adduci pertrahique non sinar.

Utor itaque ego specie utraque, &  
quotiescumque utor, & refici me, & ui-  
uere plane sentio, secundum illud Augusti-  
ni, Qui manducant & bibunt Christum  
uitam manducant & bibunt, Illum enim  
manducare, refici est, illum bibere, est uiue-  
re.

Sic omnium temporum puriores  
Ecclesia integra hæc semper retinuerunt  
Sacramenta, non diu est, ut Pontifices  
cum suorum mitratorum scurrarum de-  
testando collegio, laicos altero fraudauere-  
rint.

Primum id Constantiense Conci-  
liū, Anno ab orbe Redempto, M. CCCC.  
XV. celebratum, ademit, contra cuius  
tam indignam, & tam flagitiosam consti-  
tutionem, Basiliense longa multaue dis-  
putatione adductum, statuit, licere Bohe-  
mis utramque speciem percipere.

Ex his constare liquidissime potest,  
omnes hos, qui uel ipsi utramque speciem  
non sumunt, uel alios quo minus sumant,  
metu Papalium excommunicationum,

F prohibent

prohibent, non aliud quam ipsa anathema-  
ta, ipsos Antichristos, ipsa satanae membra,  
fures denique ipsos esse sceleratissimos, rei  
tam sacrae, omnibus sine discrimine homi-  
nibus Christianis, beneficio ipsius Iesu Chri-  
sti Redemptoris Saluatorisque nostri  
concessa.

Quod uero blasphemus, rerum nouarum  
disseminator, quod Concionator falsus,  
quod haeticos attinet libellos, Sic  
Reuerenda Dominatio tua habeat, breui-  
bus, Non fouere me Sacrificios histrio-  
nes, non Sacerdotes Pontificios, non Mo-  
nachos cuculatos, denique non quos uestri  
fermenti esse sciam, Ganeones, helluones  
que aliquos, ergo nec Blasphemus quidem  
innouator, nec Concionator falsus  
fouere, cum nihil blasphemiarum, nihil  
imposturae, nihil impietatis, & immode-  
rata in tradenda falsa doctrina libidinis,  
impudentiaeque sit, quod ista Pontificia  
laruae, turpissima, & plusquam Africa-  
na monstra, lues, pestesque perniciosissi-  
ma non contraxerint.

Concio

Concionatores, ego foueo, uiros bonos, homines & doctrina & moribus probatos, uera Christi doctrina & religione imbutos, non qui mihi canones, qui Decreta, qui somnia uestra referant, sed qui me de æterni, & immortalis Dei, perpetua & immutabili uoluntate, per Christum filium eius reuelata, per Apostolos tradita, atque confirmata, faciant certio rem, uiamque domini planissimam, non illa prætupta Synagoga uestra diuerticula, ipsum fontem ueritatis, non cisternas uestras, ostendant, ac demonstrent.

Libellos autem, qui a uobis hæretici habentur, & ipse lego, & alijs legendos libentissime trado, pro confirmato habens, nihil quod a uobis non damnetur, bonum esse, quod uero non laudetur, malum, perniciosum, turpe. Horum nonnullos, partim sermone nostro patrio factos, partim ex Latinis, Germanicisq; translatos, & dedi imprimendos antehac, & in postea plures dabo. Arbitrorq; me in hac parte, uiriboni, & hominis Christiani præstare officium, si unq; antea, certe hac ætate nostra,

audibuzq;

F 9 Eccle

Ecclesijs Christi, quæ in isto Regno, istisq;  
in prouincijs, Serenissimi Regis nostri, ue-  
ritatem Euangelij, & amplecti, & agnos-  
cere cœperunt, maxime necessarium.

Sacratissimam Eucharistiam, hoc est  
ipsum Corporis & Sanguinis Domini  
nostri Iesu Christi, Sacramentum, pignus  
redemptionis nostræ certissimum, intra  
ueri & legitimi usus, ab ipso Christo in-  
stituti, ab Apostolis traditi, in primitiua  
Ecclesia semper obseruati, metas positum,  
pro re omnium sanctissima habeo, neque  
quicquam ibi in eo idolatriæ fieri puto, si  
in usu legitimo sit. Sed priuatas uestras  
Missas, in quibus Cœnam Domini, ipsum  
Eucharistiæ Sacramentum, turpissime pro-  
fanatis, filium Dei a dextris Patris in for-  
didissimas omnique scelere plenas Sacrifi-  
culorum manus, magicis uestris incanta-  
tionibus detrahendum, Phitonicis ac Præ-  
stigijs inspirationibus, inhalationibusq;  
de uita quasi uestra uiuificandum, ac ibi  
Deo patri, pro uiuis & mortuis, pro pecca-  
tis populi, pro sanitate, pro Successu rerum  
fœlici, denique pro ipsis etiam bestijs seu  
pecudibus

pecudibus, ut cuiusque libido & temeritas fert, ad aras & idola uestrorum mortuorum Deorum, quibus a uobis honos Dei uiui tribuitur, turpissimi quæstus causa, offerendum, atque immolandum putatis, per templa, plateas, uicos circumfertis, auro argentoque includitis, certis spatijs in ciborijis uestris asseruatis, ut rem horrendam, & omnibus execrationibus dignam, ita abominor, ut non modo intueri eam, uerum ne cogitatione quidem concipere sine metu possim, ratus hanc eiusmodi uestram idololatriam, non minus esse omnibus pijs Christianis uitandam, quam uitanda erant Babilonica illa idola Iudæis, de quibus a Propheta præmoniti fuerant, in Babiloniam abducendi. Iuxta illud etiam Iohannis, fugite a cultura idolorum, & illud Geneseos, abijcite Deos alienos, qui in medio uestri sunt & mundamini. Quo fit, ut repudiatis uestris eiusmodi idolis & superstitionibus, non latitantem, aut delitescentem in placentis uestris, ut uos uultis Iesum Christum Dei & Mariæ filium, uerum Deum, & uerum hominem, sed a dextris Dei sedentem, ibique cum ipso Pa-

tre, perpetuo regnantem, inferiora hæc pro  
placito gubernantem, Ecclesiam suam sibi  
hic & proferentem & seruantem in sæcu-  
lum, colam, adorem, uenerer, ac inuocem.  
Atq; utinam tandem aliquando, reiectis  
his abusibus, nobis ueræ Missæ usus, qui  
post tempora Apostolorum, ab ijs ipsis  
acceptus, in Græca quidem Ecclesia tem-  
pore Basilij, atq; Chrysostomi, in Latina  
uero; tempore Ambrosij, Hieronimi, Au-  
gustini, ut eorum scripta testantur, obser-  
uatus est, nobis restitueretur. Etsi etenim,  
ut uidere licet, tunc etiam, Missa, notmen  
sacrificij obtinebat, tamen apparet non ob-  
scure, eam nihil aliud fuisse, quam gratia-  
rum actionem, & cœnam publicam, ubi  
in conuentu Ecclesiæ, corpus & sanguis  
Domini populo distribuebantur, talem  
Missam, inquam, ueri cultus, & ueri sacri-  
ficij nomine, ueteres illi doctores nuncu-  
pauerunt. Quæ uero postea ad eam tem-  
poribus diuersis accesserunt cæremonia,  
ut Cœlestini, Cyrilli, Syluestri, Simachiq;  
temporibus, eas ut adiaphoras non im-  
probandas, ego quoque existimarem, si  
ijs abusibus, quibus a tempore Gregorij  
Magni

Magni occupata, & plusquam onerata est,  
repurgaretur; ab illo quippe primum pri-  
uata Missa orta, in eam prophanationem,  
eamque idolatriam deducta ac delapsa  
sunt, qua maiorem & teteriorem nullam,  
nulla unquam ætas, uel uidit, uel uidere e-  
tiam potuit.

Ex his Reuerenda Dominatio tua fa-  
cile colligere poterit, quæ mea sit sententia  
de sacratissima Eucharistia, & de uestris  
Pontificijs uenalibus, priuatis missis.

Nunc ad Primatum Romanæ Eccle-  
siae transeo, de quo sentire & existimare  
pro arbitrio, sine reprehensione, multo  
magis conscientia posse quemlibet iu-  
dico, præsertim, cum in eo ipso fides no-  
stra sit minima obstricta, credamusq; san-  
ctam Catholicam Ecclesiam, quæ sanctorum  
communio est, non Romanam, non Con-  
stantinopolitanam, non Hierosolomitam,  
Antiochenamue, aut Alexandrinam, sed  
eam, quæ per uniuersum orbem dispersa  
est, propterea Catholicam seu uniuersalem,

non

non ad certum locum, certam sedem, certum hominum ordinem, eorumque constitutiones alligatam, sed in sola Petri fide, hoc est Petri confessione, & fundatam & exstructam, quam diuus Paulus, Ephasijs definiens, Ecclesiam dicit esse iustorum, quam Christus adeo dilexit, ut seipsum exponeret pro illa, ut eam sanctificaret, mundatam lauacro aquæ per uerbum, ut exhiberet eam sibi ipsi gloriosam, non habentem maculam, aut rugam, ut esset sancta, & irreprehensibilis, unde cum unam tantummodo Christi Ecclesiã esse, certum ac manifestum est, quomodo Romanæ Ecclesiæ, primatum aliquis concesserit? Si Christi esse debet. Nam si hoc fit, desinit esse Christi, et profecto, si uerum fateri licet desinit esse pridem, cumque istius adulterini tituli prerogatiua, nomen uerum amittit. Quid enim iusti in illo Babilone esse potest, quid mundi, quid uere gloriosi, quid sine ruga, sine macula, sine reprehensione, in quo, hic, quem uos esse Christi Vicarium dicitis, Papa, detestanda omnium abominatio, sede sancta nefarie occupata, sacrilega audacia, Cathedram Petri deiecit,

ex ea sua erexit, titulum Christi sustulit, no-  
men adulterinum subiecit, pro Ecclesia,  
Regnum sibi huius mundi usurpauit, ut  
esset uere is, de cuius gloria, sordidissima  
illa hominum foeces, sectae suae Romanae,  
ministratores, uerae Christi Ecclesiae uasta-  
tores, ac expugnatores, dici coetus glorio-  
sus, sine macula, sine ruga, sineque reprae-  
hensione possint. Is ipse profecto, est  
uicarius Christi, de quo Daniel praedixit,  
Consurget, inquit, Rex impudens fa-  
cie, & intelligens propositiones, & robo-  
rabitur fortitudo eius, sed non in uiribus  
suis, & supra quam credi potest, uniuersa  
uastabit. Concluditque & contra Prin-  
cipem Principum consurget, & sine ma-  
nu conterretur. Is inquam est, de quo  
& diuus Paulus, ad Thessalonicenses, ait,  
ipsa desolatio, homo peccati, filius perdi-  
tionis, qui aduersatur & extollitur supra  
omne quod dicitur Deus, aut quod coli-  
tur, ita ut in templo Dei sedeat, ostendens  
se tanquam sit Deus, uineam domini  
extermians ac depascens aper (ut hic  
Sauonarola uestri, uiri optimi & christia-  
nissimi, quem citra uel ultra annos centum



Vt autem reliqua tandem, quæ mihi  
a Reuerenda Dominatione tua, ore quidē,  
ut apparet, probō, animo tamen obijciun-  
tur inuerecundo profus, breuiter expedi-  
am, Sciat me in tota Canonica scriptura,  
non inuenire, ulla esse, pro defunctis in-  
stituta suffragia, quin uel ex sola parabola  
Christi, illud certo certius consequi, ut uir-  
gines prudentes, ita quoque omnes nos,  
quod nobis in illa uita profuturum sit, in  
ista comparare debere, neq; spem aliquam  
in sacrificijs ponere, iuxta illud, holocau-  
stis non delectaberis. Item Misericor-  
diam uolo non sacrificium. Et Cypria-  
nus aduersus Demetrium, aperte dicit,

Postquam hinc excessum fuerit, nul-  
lus iam Pœnitentiæ, nullus ueniæ locus est,  
hic uita, aut amittitur, aut obtinetur.

Quapropter nec Purgatorium, post  
istam uitam ullum esse, nec locus, quo nos  
hinc abeuntes, purgari oporteat, extat ali-  
quis. Duæ quippe tantummodo nobis  
sunt propositæ in Euangelio uia, altera  
salutis æternæ, damnationis altera.

G ij Qui

Qui enim, inquit Christus, bona ege-  
runt, ibunt in uitam aeternam, qui mala, in  
aeternam perniciem, & alibi, Qui credit in  
filium, non iudicatur, qui non credit, iam  
iudicatus est. Vbi igitur hic medius  
est locus? ex quo & iudicatum iam semel,  
retractata sententia, quae mutari non potest  
saluum iri, a talique iudicio liberari, & eum  
qui non iudicatur, iudicari tamen nihilo-  
minus contingat? Cum & diuus Augusti-  
nus, contra Pelagium, expresse dicat.  
Quod fides Catholicorum, diuina autho-  
ritate credit primum, esse Regnum coelo-  
rum, unde non baptizatus excipitur,  
Secundum gehennam, ubi omnis Aposta-  
ta, uel a Christi fide alienus, supplicia expe-  
rietur. Tercium autem, inquit, penitus  
ignoramus, imo nec esse in scripturis san-  
ctis inuenimus. Ethnica sint ergo oportet,  
hac de Purgatorio figmenta, Poeta-  
rum fabulae, instituta, decretaque hareti-  
corum. Quis enim plura philosopha-  
tus est de Purgatorio, quam Plato? quis  
copiosius scripsit quam Virgilius? quis  
primum ab Ecclesia credendum esse san-  
xit, quam is, qui defunctis suffragia con-  
stituit,

stituit, Pelagius Pontifex Romanus, &  
post illum Gregorius, summæ atque præ-  
cipuæ eorum quæ ab illo tempore adhuc  
in Christi Ecclesiam truculenter sauiunt,  
& pestes, & furia:

De Præbiterorum uero, aut Sacer-  
dotum coniugijs, etsi plurima scripturæ  
testimonia adferre hic possem, quibus  
mea confirmaretur sententia, tamen, quia  
mea interest parum, sit maritus aut cœlebs  
aliquis, dum caste uiuat, unicum adferam,  
quo adulteria, fornicationes, scortatio-  
nes, incastus, ceteræque uagæ libidines,  
quia omnibus in genere hominibus, uni-  
uersaliter prohibentur, probari potest,  
quod eam ipsam ob causam, casta, legit-  
timaque coniugia, omnibus etiam, ratio-  
ne eadem non permittantur tantummodo,  
uerum etiam præcipiantur, iuxta illud,  
Pauli, Propter uitandas scortationes, ha-  
beat unusquisque propriam uxorem.

Maximeque cum etiam præter id, &  
ipsius Sextæ uniuersalis Synodi canon  
xiiij. quem hic non grauabor ideo subi-  
cere, idem prorsus & uelit, & decernat.

G iij Sic

„ Sic enim habet. Quoniam in Romana  
„ Ecclesia, in ordine canonum esse cognoui-  
„ mus traditum. eos qui ordinandi sunt  
„ Diaconi, uel Præbiteri, confiteri, quod  
„ non suis iam copulentur uxoribus. Nos  
„ antiquum sequentes Canonem, Apostoli-  
„ cæ diligentia constitutionis, Sacrorum ui-  
„ rorum legales nuptias, a modo ualere uo-  
„ lumus, nullo modo, cum uxoribus suis eo-  
„ rum connubia dissoluendo. Item, Con-  
„ cludens, deinde subiungit Si quis igitur  
„ præsumperit, contra Apostolicos Cano-  
„ nes, aliquos Præbiterorum & Diacono-  
„ rum, priuare contractu & communionem  
„ legalis uxoris suæ, deponatur. Similiter,  
„ Præbiter aut Diaconus, qui religionis cau-  
„ sa, uxorem suam expellit, excommunicat-  
„ tur. Si uero in hoc permanserit, depo-  
„ natur, Multi hic adduci possent similes  
„ Synodorum, Conciliorumque canones,  
„ ut Anticyrani, Constantinopolitani, Ni-  
„ ceni, Gangrensis, Moguntinensis, Tole-  
„ tani, &c. qui non modo non prohibent  
„ sacerdotibus legales, & legitimas uxo-  
„ res, uerum etiam anathemate percutiunt,  
„ officijsque priuant, eos, qui uel tales a con-  
„ iugijs

ingis arcere praesumunt, uel ipsi sese ab  
eis, superstitione uana ducti, cohibent, aut  
remouent. Vnde quis non consequitur,  
uestris scortis, uestris cinædis, & id ge-  
nus, quas ne cogitatione quidem compre-  
hendere potest aliquis, illecebris uestris  
omnibus, quibus ipsos etiam Heliogaba-  
los, ipsosque Neronos, longe superastis,  
anteferenda multo esse, legitima, honesta,  
& inuiolata connubia?

De Sacris uero in materna lingua euul-  
gandis, sic uelim Reuerenda Dominatio  
tua habeat, existimare me, omnes homi-  
nes, debere laudem & gloriam Deo, debe-  
re inuocationem, debere gratiarum actio-  
nes, sed intellecta, ab ipsoque sensu cordis  
profecta. Igitur & sermone eo, quem  
is, qui hoc praestare Deo uelit, intelligeret.  
Quid enim absurdius esse queat, quam  
adesse quempiam, cui is sermo incognitus  
sit, Latinis, Graecis, aut altera quacumque  
lingua celebrandis sacris, in quibus quae  
sunt laudes, inuocationes, gratiarum  
actiones, cum is etiam praestare Deo  
deberet, ac illis cor animumque suum ap-  
plicare, intelligeret minime.

Esset

Esset hac mea certe sententia, nihil aliud quam spectatorem agere in scena, in-  
tuerique tantummodo templorum magnificentiam, altariorum ornatus, Sacerdotum Presbiterorumque uestes, plusquam phrigias, ordines Processionum, candelarum acies, sacrificulorum histrionicos apud aram saltus, præter hoc, audire Campanarum, Organorum, & tiliarum uarios impulsus, cantorumque lasciuos, & plane Circeos concentus, denique quicquid in uestris Papalibus sacris esse eiusmodi deliriorum solet, id omne solis externis concipere sensibus, nihil intelligere, nihil sentire, cor mutum, surdum, cœcumque gerere.

Egregia sane sunt hæc talia, uestrorum conuenticulorum sacra, in quibus quantum caro uoluptatis accipit, tantum contrahit iacturæ, & detrimenti animus. Ac scire ego quidem cuperem, Quid Apostoli ab ipso statim suæ prædicationis initio, cum annunciandi Euangelij, sacramentorumque seu Sacramentorum, ac sacrificiorum instituendorum causa, in orbem essent uniuersum digressi, Quid inquam illi an id sermone fecerunt hæbreo: num Pe-

trus

trus in Ponto: Andreas & Philippus in  
Scithia: Iacobus Hispania: Bartholomeus  
India: Thomas A Egipto & A Ethiopia,  
num alio illi sermone prædicauerunt, alio  
sacra & sacrificia instituerunt, quam qui  
apud illas gentes atq; nationes, in usu tunc  
fuerat habitus, & certe non alio: Quo fit  
ut & ego iudicem ac sentiam, quo uerbi  
ministerium sermone, apud quosuis diuer  
sos populos annunciat, eodem sacramen  
ta & sacrificia debere quoque peragi neces  
sario. Qui mos longo post Apostolos  
tempore conseruatus, adhunc usque diem,  
in Græcorum Ecclesijs habetur in usu, nec  
adeo diu est ut unius cuiusdam domini  
Apostatici, Apostolici uolebam dicere, sce  
lerata impostura, qui primus in Constan  
tinopolitana quadam Synodo, exhibuisse  
ludicrum hoc affirmatur, Missa latina, ut  
contagio quædam pestifera, omnes Occi  
dentis Ecclesias, celeriter penetrarit.

Addit uero ihs obiectis R. tua D. plu  
ra adhuc alia, quæ ut uerum fatear, nihilo  
minus me quam priora offenderunt. Scri  
bit etenim secreto me fouere, hos omnes  
eiusmodi nebulones, & quicquid fauore

H fidei

fidei, per Regiam Maiestatem decernitur,  
ad arte & industria mea, euanescere. Secre-  
tisque me hoc agere nuncijs, ut hi ad quos  
ocae res pertinet, contrarium exequantur.  
in Misisse etiam me Geneuam, seu Basile-  
am, qui Calvinum, Laski & Lismaninum,  
hæreticos aduocent, & quotquot posset in-  
uenire Pseudomagistros adducat, qui con-  
tra Catholicam fidem disputent, & Aposto-  
licam sedem, quam Antichristi regnum  
appellare solitus sim, funditus euertere co-  
nentur. Demum quicquid hæreseos, im-  
pietatis & perfidiæ in Polonia Regno in-  
uenitur, hoc tempore infœlicissimo, totum  
id mihi acceptum referri,

Ego autem ita Reuerendæ Domina-  
tionis tuæ, de me persuasum ac confirma-  
tum uelim, me quemadmodum paulo an-  
te iam commemorauit, nullos fouere ne-  
bulones eiusmodi, qui obducant ueritati  
nebulas, sed qui a uestro primum Anti-  
christo, Papa Romano, dehinc a uobis ip-  
sis, uestrisque satellitibus, tam purpuratis,  
quam uilioribus illis, quorum numerus  
nullus est, Stoicis simijs, & quos Corne-  
lius Agrippa, catalogo quasi quodam com-  
prehendit,

prehendit, Barbigeris, funigeris, restiferis  
 Saccogerulis, Loripedibus, lignipedibus,  
 nudipedibus, Nigretis, Grisonibus, Alba  
 clamidibus, denique quotquot inueniri  
 possunt, morionibus, histrionibusque his  
 similibus, pestibus uniuersæ Ecclesiæ Chri-  
 sti grauissimis, obductas, abstergant ac  
 remoueant, uiros probos, pios, Christianos,  
 que pietati totos deditos, idque non secre-  
 to, sed prorsus palam. His uere & pure  
 scripturas canonicas allegantibus, habere  
 plus fidei malo, quam Synagoga uestra;  
 meris & inexplicabilibus nugis ac figmen-  
 tis, nulla scripturæ autoritate suffultis,  
 iuxta illud Gersonis, qui dicit, in sacris li-  
 teris erudito, autoritatemque catholicam  
 proferenti, plus credendum esse, quam  
 Generali Concilio, quandoquidem quili-  
 bet eruditus posset de Decretis Pontifi-  
 cum iudicare, Si Concilio generali, ergo  
 plus quam traditionibus, institutionibus  
 que uestris, priuata libidine confictis.

Cæterum in fauorem fidei, an aliquid sit  
 a Regia M. hoc meo illiusq; tempore per  
 sententiam dictum, quia prorsus nescio,  
 utrum etiã quo minus exequeretur, per  
 me steterit, multo minus scio. H. ñ

Memini etenim me ut primum diuina  
gratia, meis ac maiorum meorum me-  
ritis, Regiæque suæ Maiestatis beneficen-  
tia, in senatum inclyti huius Ducatus, ad-  
optatus sum, utque horum officiorum seu  
dignitatum, quæ in ista Republica nostra  
uel præcipua sunt, administrationi sum præ-  
fectus, atque præpositus, nihil aliud magis  
cogitasse, nihil magis dedisse operam,  
quam ut pro uiri boni Christiani sinceri,  
Senatoris que in primis & integerrimi, &  
fidelissimi munere, & meam, & Regiæ suæ  
Maiestatis conscientiam, tam in ciuili gu-  
bernatione, & rerum forensium usu, quam  
in fidei, religionisque causa, puram inte-  
gram, ac ab omni noxa culpaque uacuantem  
& immunem, quantum quidem in me sit  
positum, prestarem. Proinde non modo  
non impedio, quo minus uera fides & re-  
ligio, per Maiestatem Regiam aliquid de-  
fensionis & patrociniæ consequatur in hoc  
Regno, uerumetiam ut quam maxime  
consequatur, rogare, orare, obsecrare, ob-  
testari que nunquam desino, non uestra qui-  
dem hæc Pontificia, Romana, apostatica,  
sed uetus illa, cum ipso humano genere or-

ta, christiana, catholica, apostolica fides & religio, hanc augeri, promoueri, proferri, illam uero, si fieri possit, ipso etiam momento funditus deleri, atque extirpari, & cupio, & Deum optimum Maximum, supplex oro.

Cuius rei causa, quod Reuerenda Dominatio tua, Geneuam, Basileamque, Calaninum, hominem nostra hac ætate, & doctissimum, & celebratissimum, Laskyum, Regni Poloniae Baronem nobilissimum, præterque singularem doctrinæ laudem, magna pietate, & religione ornatum (cui propter præclara maiorum in Rempublicam merita, & ius libertatis patriæ, tutum liberumque est, etiam non uocato, dum libebit uenire), Lismaninumque (qui etiam, quod totam suam ætatem in Regiis ministeriis, honestissime traduxerit, Si iam ut non obscura fama est, in Poloniã rediit, causam non uideo cur libere apud nos in regno libero diuersari non possit) accersendos misisse me, pro comperto exploratoque habeat, fallitur quidem in eo, sed tamen hoc illi certum esse uolo, sic me nunc istorum doctissimorum uirorum ui-

H iij dendorum

dendorꝝ desiderio teneri, ut si scirem me  
eos, aut alios etiam ex præcipuis illis qui  
sunt in Germania Melanthes, Brentios  
posse, in mea postulata aliquomodo per-  
trahere, in eo uel præcipue, non seruitoris  
tantum mittendi laborem conferendum,  
sed etiam omnes opes facultatesque meas,  
esse mihi experiendas putarem. Quos quia  
R. D. tua, per insignem quandam, mini-  
meq; obscuram malitiam, hæreticos appel-  
lat, omnium hæreticorum, quos orbis ter-  
rarum habet, maxime Hæretica est, falsoq;  
mihi id, quod in Regno Polonia hæreseos,  
perfidia, impietatis alitur, adscribit & impu-  
tat, Cum nihil ibi sit eorꝝ, tam æthnicū, tam  
impium, deniq; tam turpe ac tam detestan-  
dum, quod ista Romana Babilon, Reg-  
num Antichristi, quam tu sedem uocas  
Apostolicam, cum maxima multorꝝ Chri-  
stianorum clade, non inuexerit, Sed prope  
est, ut ego credo, dies Domini, quo scylla  
hæc, una cum ista sua tricipiti chimæra in  
Principem Principum, tam saeuiter, & tam  
truculenter debacchans, sine manibus, ut  
inquit Prophæta, conterretur ac corruet.

Ista sunt, Reuerende Domine, quæ  
& tua humanitas scire, cognoscereque ex  
me penitus postulabat, & ego nisi illa  
postulasset, nequaquam alteri cuippiam  
priuatim, hac mea, uel defensione, uel cer-  
te Confessione Apologetica exhibendam  
iudicassem, præsertim cum non domi tan-  
tum, hoc est, intra fines Regni & Prouinci-  
arum Serenissimi Regis, & domini nostri  
cognita perspectaque omnibus esse sciam,  
sed & exteris plerisque, ita comperta, ut  
nulla de illis probatione confirmationeque  
egeant. Quo fit ut etiam magis mihi mi-  
rum sit Reuerendam Dominationem tuam,  
cui eadem de me prius Augustæ erant cer-  
tis quorundam sermonibus relata, nisi uni-  
us horæ spacio Varschouæ audiuiisset hic  
tempore satis longo, ubi frequenter una  
fuius non potuisse scire, cum utique ta-  
men ego, nihil tunc ex eis mutaueram,  
nihil quod de me illi subductum cuperem  
uel simulaueram, uel etiam dissimulaue-  
ram, ac ipsis etiam sacris, quibus me de-  
missio, deiectoque uultu solere inter-  
esse, relatum sibi scribit, cum illa sæpe  
eram, ita ut ea omnia, quæ ibi rescit,  
certius

certius commodiusque hic illam, & uidere  
& audire, denique ex me etiam ipso cog-  
noscere potuisse, non immerito putem.

Quam rem non ita accidisse, quod Re-  
uerenda Dominatio tua doleat, ut credam  
adduci me patior, quod ego doleam, id ue-  
ro ipse non mediocriter sentio, atque uti-  
nam hoc sic euenisset, ut mutuas tunc no-  
bis in ea parte dedissemus operas, illa in  
quærendo, ego respondendo, fieri potuisset  
fortasse, ut ego quidem ipsa docente, in sen-  
tentia confirmarer, ipsa me confitente, ex  
suisque allegatis uires & animum sumen-  
te, in aliam transcenderet, ac mihi sese, quam  
absens fecit æquiores præbens præberet.  
Si namque quemadmodum id se fuisse  
facturam Reuerenda Dominatio tua præ-  
tendit, canonicam scripturam in medium  
attulisset, ex qua ego nihil dari eiusmodi  
posse existimo, quod non magis pro me,  
quam pro ipsa, non minus sit contra me,  
quam contra ipsam futurum confidissem  
sane, ipsam suis uiribus confectam, ac spi-  
ritus diuini potentia & afflatu, quam in illa  
pestilenti doctrinæ Papisticæ nebulis den-  
sissimis interclusa aura contraxit, contagi-  
one

one liberatam, pati potuisse, ut in ipsam ip-  
sius Iesu Christi Ecclesiam, eiusque doctri-  
nam, ex profundissima illa illorum flue-  
ctuum abyssu traduceretur. Quod non  
esse nobis fato quodam aduerso, minime-  
que ut opinor propicio, concessum, eo eti-  
am uehementius doleo, quod intellexi te  
uirum summa alioquin humanitate pradi-  
tum, quem tantopere expectabamus om-  
nes, & in quo tanquam certissimo quodam  
asylo, omnes nostras repurgandarum ab  
idolatria, in hoc nostro Septemtrione, Ec-  
clesiarum Christi spes reposueramus, in-  
sensum se prorsus diuersum dedisse, uelle-  
que non modo, non repurgare errores pri-  
stinos, uerum etiam summa cura, summo-  
que studio confirmandos ac stabiliendos  
conari. In quo si Reuerenda Domina-  
tionis tuae perstat sententia, uereor, (quod  
tamen ego, pro mente christiana cuperem  
minime,) ne dum hoc maxime contendit,  
celeriter corruat, ne dum se posse quali-  
bet contra Christum tuto statuere putat, ut  
Cerinthus & Arrius, praeter opinionem in  
securitate pereat, post istamque uitam, Deo  
uindicti iustissimo huius suae impietatis, det

Attende Li-  
pomane.

I

poenas,

pœnas, non eas quidem ut illius est opinio  
purgatorias, sed gehennas æternas, nullo  
modo cessaturas. Non enim, credat mihi,  
diu Deus hæc impunita feret, quod quan-  
to est certius, tanto etiam illi maiori solici-  
tudine & uigilantia præcauendum est, &  
quod ipsamet etiam me ut timeam admo-  
net, diligenter cogitandum ne non modo  
sibi ipsi, sed & alijs quoque pœnas grauissi-  
mas accersat. Quod enim horrere se Reue-  
renda Dominatio tua uehementer, scribit,  
& corporis & animæ, & domus meæ inte-  
ritum, hoc ego ne ipsi accidat, horreo quo-  
que, ut quæ eum, in quo omnes nos uiuifi-  
cari oporteat, Iesum Christum, non modo  
non amplectatur, sed prosequatur etiam  
studio quo potest maximo. De me au-  
tem, cui ita Reuerenda tua humanitas,  
ominatur, nihil habeo, quod adeo prædi-  
cem, homo sum, nulla non parte, ut infir-  
mitati, sic & humanæ quoque conditioni  
subiectus, sed tamen, quia in uera Christi  
Ecclesia, extra quam nulla salus, nulla ui-  
a est, confido, me animæque meam non iri-  
scitum, quandoquidem, nulla ut ipse  
David

Dauid testatur, damnatio his est, qui in  
domo habitant Domini, de quibus & ipse  
dominus per Esaiam. Qui portamini in  
meo utero, gestamini in mea aluo, inquit,  
usque ad senectam ego ipse, & usque ad ca-  
nos ego portabo, ego feci, ego feram, &  
ego portabo & saluabo uos. Item per Ho-  
seam. Ego saluabo uos non in arcu, non  
in gladio, non equo, sed in Domino Deo  
uestro.

Quomodo igitur ego mihi me-  
tuere eiusmodi interitum debeam, qui in  
eo coetu sum, cuius custos, defensor & sal-  
uator est dominus. Calamitates porro,  
arumnas, miserias, quibus Deus Ecclesi-  
am suam, propter maiorem sui noticiam,  
fidemque & inuocationem excitandam  
affligi atque exerceri uult. Si quas ipse per  
miserit, ita feram, itaque patiar, non ut  
casu aliquo, aut ab homine sed ut ab ipso  
Deo, idque non in furore, sed in recto  
cius iudicio ortas, neque me propterea ab  
ipso, ipsiusque Ecclesia auelli abstrahiue  
paciatur, sed quemadmodum nos ad se om-  
nes uocat, qui onerati aut afflicti sumus,

I. I. ad

ad ipsum confugiam, ipsius opem, miseri-  
 cordiamque implorabo, & cum ipso Da-  
 uid clamabo, Miserere mei Deus, confir-  
 maboque ac consolabor me eo ipso, quod  
 „ dicit. Inuoca me in die tribulationis tuæ, &  
 „ eripiam te, & glorificabis me, ad quem  
 „ enim respiciam ait, nisi ad miserum, affli-  
 „ ctum, contritum spiritu, & trementem ser-  
 „ mones meos. Bonus quippe est Domi-  
 „ nus, & confortans in tribulatione, & agno-  
 scens sperantem in se. His rebus testi-  
 monijsque instructum atque confirma-  
 tum, non est quod Reuerenda Domina-  
 tio tua, uel hortetur, uel etiam speret, quem  
 ope & misericordia diuina, nullæ calamita-  
 tates, nullæ ærumnæ, nulli aduersi etiam  
 presentes casus, auellere a uera Christi Ec-  
 clesia & doctrina possint, illum metu eo-  
 rum, hisque suis comminationibus non ni-  
 si in contrarium, ueris, quæ magis suscep-  
 tum cursum excitant, ac corroborant, ali-  
 quomodo abstereri atque abstrahi, quin  
 hoc sibi de m. polliceatur, potius, nihil tam  
 magnum, tam graue, tam arduum, triste,  
 aut tam horrendum fore, quod non prius  
 sibi libentissime subiturus, quam eam, a  
 qua

Audi uere  
 heroicam  
 promissio-  
 nem.

qua ipsa me tanto studio conatur auellere  
Iesu Christi agnitam ueritatem delectam,  
ac in aliud me, hoc est, Antichristi uestri  
Euangelium, transferri patiar. Efficiam  
sane cor & spiritum meum confirmante  
domino, ut quod me quoque Reuerenda  
tua Dominatio monet, ne quoniam parum  
admodum, aut prorsus nihil, ut scire se scri-  
bit, sacris literis dederim operæ, me ut le-  
uem paleam uestre Pharisaicæ, impie do-  
ctrinæ uento agitari sinam, cumque eam  
ipsam ob causam Doctor esse nequeam, ex  
emplo tamen, quantum id ex me fieri po-  
terit, proximū doceam. Iuxta illud, Vni  
cuique mandatum est de proximo suo.  
Item Luceat lux uestra.

Cæterum quod Reuerenda Domina-  
tio tua, ex multitudine, maiorique ho-  
minum parte Ecclesiam Christi metiens,  
miratur, si in eo cætu tantum, cum quo ego  
sentire me confiteor, Christus esset, in quæ  
angulum Regnum ipsius coarctatum sit,  
quandoquidem illi pater, gentes heredita-  
tem, & terminos terræ possessionem datu-  
rum se promiserit, dominaturum que a ma-

ri usque ad mare a flumine usque ad terminus  
nos orbis terrarum, ac omnes præterea  
gentes quascunque fecit, ad ipsum uen-  
turas, nomenque suum glorificaturas di-  
xerit, Hic ego ab illa contra quæsitum  
uelim, Si Romana Ecclesia, tantummodo  
esset Ecclesia, quæ certis ipsdemque breui-  
bus spatijs, circum scripta est, quantus iste  
futurus sit Ecclesiæ angulus, & quomodo  
supra dicta esse uera possint: aut si nulla  
prorsus Romana esset Ecclesia, num pror-  
sus nulla in uniuerso mundo extaret Eccle-  
sia? Atqui certissimum est, statim ab ip-  
sa mundi creatione, cum ipso humani ge-  
neris exordio, Deum uoluisse sui notici-  
am, in mentibus extare hominum, uolu-  
isse se coli, adorari, sibi gratias agi, Pro-  
pterea enim ad imaginem suam creauerat  
hominem, qui cum propter uiolatum eius  
imperium, prima illa dignitate, primaque  
illa diuinæ mentis luce, excidisset, non pe-  
nitus pessundatus, sed tantummodo hor-  
to pulsus, iussus est uitam ærumnosam,  
omnibusque miserijs, & calamitatibus  
plenam, traducere, in labore & sudore  
uictum

uictum querere, posteritatem per quam  
Deus in perpetuum glorificaretur, cum  
dolore & angustijs proferre, promissioni-  
que de uenturo semine, in quo genus hu-  
manum erat restituendum, credere. Ergo  
& tunc erat Ecclesia, ab unius tantum uiri  
atque mulieris consortio, quasi quodam  
exiguo surculo, in multas maximas gene-  
rationes, tribus, gentes, populos, qui in  
eum usque diem, totum terrarum orbem  
repleuerunt propagata, eaque non in ipso  
stipite, hoc est, Adam, sed in promissionem  
quæ Adam facta fuit, & fundata, & ædi-  
ficata.

Ita statim ab ipso initio mundi  
usque ad ipsius Iesu Christi, domini re-  
demptoris & saluatoris nostri aduentum,  
semper aliqua Dei fuit Ecclesia, spe pro-  
missi seminis, Deum glorificans, & pri-  
stinae æternitati, ad quam conditi fuimus  
se iri restitutum, credens, Qui coetus ita  
credentium non semper ex æquo fuit mag-  
nus, sed alias maior, alias minor, Non  
enim uniuersa posteritas Adæ, promissio-  
ni crediderat, quin & inter ipsos eius filios,

alter

alter malus, alter est reputatus iustus, ita  
ut per Mille, DC. LVI. annos propaga-  
ta, propterque eius promissionis contem-  
ptum, diluuiio penitus & in uniuersum de-  
leta, in solo Noach, illiusque familia totius  
mundi Ecclesiam reliquerit.

Hinc patet, quam magna tunc fuerit  
Ecclesia, & inter quos orbis terrarum ter-  
minos conclusa, exigua sane, misera, non  
conspicua, proptereaque a reliqua illa mul-  
titudine, & contempta & reiecta, Sic cum  
Sodoma interitura erat, in sola familia  
Loth, manserat Ecclesia, Cum Helias rape-  
retur, septem tantum millia hominum, re-  
licta fuisse dicit dominus, quæ genua non  
curauerant coram Baal, & ea quidem dis-  
persa, oculisque minime exposita, ut eti-  
am ipse Elias, solum se relictum esse, que-  
reretur, Quid uero sub ipsum statim Chri-  
sti aduentum, quæ nam Ecclesia fuit? num  
illa Pontificum, Scribarum, Phariseorum,  
qui promissionem de uenturo Messia, ad  
Regni politiæque restaurationem, trans-  
ferentes, Regem expectabant, armis & ui-  
ribus potentē, qui eos ab Imperio Roma-  
norum liberaturus esset, æquisque legibus  
in

in pace & tranquillitate reſturus: An non  
potius, Zachariæ, Simeonis, Ioseph, Helie  
zabethæ, Mariæ, aliorumque similibus, qui  
de Christi aduentu, ac eius spiritali Rege  
no, unanimiter consentientes, non Pontifi  
cum, non Scribarum, Pharizorumue, se  
quebantur deliria, sed ipsum Zachariam,  
Simeonem, Annam, qui ueram eius do  
ctrinæ retinuerant sententiã docentes audie  
bant, Iam uero ipsi<sup>9</sup> etiã Christi tẽpore,  
quæ nam, aut qualis Ecclesia fuit, illorum  
ne Pontificum, & Seniorum Populi, qui  
sedem occupauerant, Prophatias, leges,  
ceremonias, Iudicia, in manibus habebant,  
Ius & potestatem interpretandi soli obtie  
nebant, an uero eorum, qui Christum do  
minum mundi, saluatorem suum secuti,  
omnia reliquerunt, ipsum docentem cum  
reliqua plebe, illaque perexigua audie  
bant? Quomodo igitur Reueren  
da Dominatio tua, ibi esse Christum  
aut Ecclesiam negabit, ubi paucitas homi  
num exigua apprahendit, amplectitur  
que Euangelium? quomodo ibi affirma  
bit, ubi illud ipsum multitudo ingens, &  
quidem præcipua, persequitur, ac abomi  
natur.

K

natur.

natur. Sed dicet fortasse, sunt igitur ea falsa quæ præ allegaui, de filij Regno, Dei ipsius testimonia? Minime uero, in uniuersum enim orbem terrarum exiit sonus eorum, In uniuerso orbe sunt, qui Deum uera pietate, & religione colunt, sunt qui adorant, inuocant, prædicant, ac ita ut sese per Filium patefecit, glorificantes confitentur, sed si eorum omnium cœtus, quotcumque & ubicumque sunt, ad reliquam hominum multitudinem, inter quos degunt conferantur, exigui sane & pene obtriti sunt, Vnde constitui, ut opinor, oportet. Regnum Christi esse quidem, ut ipse Deus testatur, Regnum inter terminos terræ constitutum, a mari usque ad mare, a flumine usque ad terminos orbis, Sed non tale, quale fuit Cyri, quale Alexandri, quale fuit imperium Augusti, opibus, potentia, rerum successibus florens & conspicuum, quin abstrusum, afflictum, in maximis molestiis, periculisque constitutum, semper periclitans, nonnunquam naufragia faciens, consistens tamen ac permanens ad consummationem usque sæculi, Ergo non est simile cæteris imperiis, Non certe  
simile

simile est; Spirituale est, Mundi huius non  
est; Sic & ipse Christus testatur. Regnum  
inquiens, meum, non est de hoc Mundo. <sup>66</sup>  
Quod uero Reuerenda Dominatio tua, ob  
icit. Si tam exiguum esset Regnum Chri  
sti, ut illud Germania tantum, & paucula  
Regni Poloniae terrulae contineant, frustra  
Christum mortuum esse, qui tam paucissi  
mos sit sua morte lucratus. Hic ego mihi  
iam fatis ostendisse uideor, Regnum Chri  
sti in hoc mundo, quod est Ecclesia, non  
contineri sola Germania, non Polonia, non  
Anglia, denique non uniuersa uestra, quan  
tumcumque longe & late patet Romana  
Babilone, sed totius mundi terminis. Chri  
stum autem omnium causa mortuum esse,  
Omnes uelle saluos fieri, Omnes ad se  
ex æquo uocare, sed non omnes uenire,  
iuxta illud, multi sunt uocati, pauci uero <sup>66</sup>  
electi.

Ergo Ecclesia Christi, quam Reue  
renda Dominatio tua, de multitudine ex  
istimandam esse iudicat, nihil minus con  
stat, quam ipsa multitudine, Si etenim hoc  
esset certū & indubitātū eius iudiciū, tum  
deniq; uestrae huius prostituta & adulterata

Romanæ, Ecclesiæ purpuratorum mitra-  
torumque Sycophantarum turba, non es-  
set Ecclesia, sed potius eorum, qui Mahu-  
meti religionem professi, totum iam pro-  
pmodum orbem terrarum, non perua-  
gati solum sunt, sed etiam & occupauerunt  
& possederunt, Qui tamen in Christianos,  
quocumque sui imperij sunt in loco, mul-  
to se nobis æquiores, mitioresque exhi-  
bent, ut qui illis, quod uos igne, ferroque  
iniuste & nefarie prohibetis, liberam Chri-  
sti & Euangelij confessionem, libere per-  
mittunt, eosque a ui & iniuria quauis, &  
tuentur, & esse immunes uolunt.

Spiritum etiam sanctum infert, ex il-  
la ipsa paucitate Reuerenda Dominatio  
tua non fuisse in Ecclesia ab hinc amplius,  
Mille Quingentis annis. Si uerum est,  
quod in Germania, & in paucis aliquot  
Poloniæ terrulis Ecclesia sit. Cum tamen  
Saluator eum miserit, ut esset nobiscum in  
æternum, & doceret nos omnem uerita-  
tem, Hic ista quomodo cohæreant non  
sane intelligo, nam si ab eo tempore pri-  
mum, quo Saluator spiritum sanctum Ec-  
clesiæ suæ misit, esse cœpit in Ecclesia, ue-

rum illud erit, quod ante M. Quingentos  
& aliquot annos in Ecclesia non fuerit,  
quia non erat missus, ex quo illud absur-  
dum, consequeretur, posse esse Ecclesiam  
Dei, quæ non haberet Spiritum Dei. Præ-  
terea illud etiam rationem nostram exce-  
dit, neque quomodo illud esse uerum que-  
at, facile inuenio. Si in Germania, inquit  
Reuerenda tua Dominatio, & in paucis  
Poloniæ terrulis Christus est, aut Ecclesia.  
Ergo amplius M. D. annis Spiritus san-  
ctus in Ecclesia non fuit, quasi uero Spiri-  
tus sanctus, ad unum aliquem certum lo-  
cum alligatus sit, & cum sit in uno, in alte-  
ro esse nequeat, egregia profecto est ista  
consequentia. Spiritus sanctus hic est, er-  
go ibi non fuit, aut Ecclesia occidentalis,  
habet Spiritum sanctum, ergo orientalis  
non habet, ridiculum profecto hoc esset,  
Nam in uniuersum toti Ecclesiæ missus est  
Spiritus sanctus, & ubicumque est, uerum  
uerbi ministerium, ibi ut sit necessarium  
est. Sed uideo quid uelit Reuerenda Do-  
minatio tua, Spiritum sanctum alligat Ec-  
clesiæ, Ecclesiam uero sedi Romanæ, &  
ordinariæ successioni, ut si dicat, Romæ

tantum est Ecclesia, quia ibi sedes Petri,  
ibi ordinaria successio, ibi potior hominum  
multitudo est, Spiritus autem sanctus non  
potest esse nisi in Ecclesia, ergo Spiritus  
sanctus tantum Romæ est. Et per con-  
sequens in Germania, Polonia, alijsq; qua  
non sunt ex hac uestra Synagoga, Ecclesijs  
non est, Quod penitus falsissimum est, Si-  
cut enim Ecclesia sedi Romanæ, non est  
alligata, Ita etiam Spiritus sanctus alliga-  
ri illi nullomodo potest. Quin si conuer-  
teretur ita, In Germanorum Ecclesia est spi-  
ritus sanctus, Ergo in Romanorum non  
est, ualeret optime argumentum hoc, quia  
ut album & nigrum, Ita quoque Romana  
& Germana Ecclesia, contraria sunt, nimi-  
rum Christi hæc, illa Antichristi, non enim  
ab Apostolis fundata, sed a Romanis Pon-  
tificibus, illorumque collegio fabricata,  
non in uerbo Dei, sed in eorundem delirijjs,  
figmentis & constitutionibus, ut sunt, Ope-  
ra operata, Opera supererogationis, Vo-  
ta monastica, Præbiterorum cœlibatus,  
Purgatorium, Indulgentiæ, Missa priuata,  
Suffragia mortuorum, Peregrinationes,  
Iubilei, Bullæ, & cætera his similia, scelera-  
tissimi

tiffimi quæstus causa; a caponarijs istis  
 Antichristi uicarijs impudenter, petulan-  
 terque instituta, quam rem autoritates  
 illæ, quibus Reuerenda Dominatio tua  
 Epistolam suam claudit, Athanasij Alex-  
 andrini Episcopi, & diui Hieronimi co-  
 lumnarum Ecclesiæ, satis, non obscure que  
 mihi in uobis uidentur arguere. Ille enim,  
 eam demum, & non aliam, uerã esse fidem  
 affirmat, quam Apostoli, ab ipso Christo  
 acceptam, nobis tradiderunt, nulla in re  
 immutandam, summaque eademque con-  
 stanti religione & colendam & obseruan-  
 dam, hic autem eam solam ueram dicit esse  
 Christi Ecclesiam, quæ in doctrina Apосто-  
 lorum sit fundata, perpetuo duraturam, in  
 ea permanendum ac persistendum consu-  
 lens. Iam quam cum his istorum docto-  
 rum dictis, ex diametro quasi pugnet,  
 uestra fides, in uestraq; Ecclesia Ro-  
 mana, puto ex superioribus fati patet. Pro-  
 inde, ut finem tandẽ scribendi faciam, in re  
 præsertim manifesta, ab ulteriori demon-  
 stratione supersedeo, hoc unicum certum  
 esse R. D. tuæ cupiens, in hoc qui illi ita  
 dicitur, abstruso & contempto Ecclesiæ  
 Christi

Christi angulo, ad quem per Prophæ-  
tam ipse Deus ait, Noli timere pusille grex  
malo me cum recte sentientibus, & esse, &  
hæreticum dici, quam cum uestre sanctæ (si  
dñs placet,) Romanæ, Ecclesiæ Magnifi-  
cis & tumentibus titulis, Catholicum &  
Apostolicum,

Hæc sunt quæ tuæ Reuerendæ Domi-  
nationi immoderata satis, & odiose per-  
stringens epistola, me hominem aulicum,  
multis alioquin magnis & grauibus Rei-  
publicæ curis occupatum, ut ut per furti-  
uum licebat ocium, respondere coegit, Qui  
bus si illi non satisfactum est, existimet, me  
non ideo scripsisse, ut satis facerem, Cate-  
chumentum enim me, non Doctorem pro-  
fiteor, sed ut quæ mea est sententia in religi-  
one, & quibus nitatur scripturæ fundamen-  
tis, breuissime explicarem. Sunt autem,  
quantum ipsi mihi cor meum perspectum  
& exploratum est, a candido, sincero, pla-  
neque Christiano profecta animo, quæ  
Dominationi tuæ Reuerendæ, uel propter  
hoc etiam libentius, liberiusque explican-  
da iudicaui, ut quoniam religionis emen-  
dandæ causa ad nos huc uenerit, horrendos  
hos

hos abusus diligenter meditetur, animo  
que recollecto sese in illud, quod adeo per  
sequitur Euangelium Christi, propagan-  
dum conferat. Nam si Reuerenda tua  
Dominatio, quod ut credam, me illius  
epistola urget animo, pristinos errores,  
abususque confirmandi, huc uenit, cupio  
illi de more Christiano, ut resipiscat, in  
hocque se claro ac manifesto Dei uerbo ad  
duci patiat, quo cum Christo sit, ac  
quemadmodum ipse uult cum eo colligat.  
Sin autem uerbo æterni Dei, domino Iesu  
Christo, Spirituique sancto, mentes huma-  
nas illuminanti, ac mundum de peccato,  
iusticia & iudicio arguenti, nullus apud ip-  
sam locus est, opto, ut quemadmodum  
Paulus christianos persecuturus Dama-  
scum proficiscens, prohibitus ac conuersus  
est, Ita quoque et illa, insigni aliquo exter-  
no signo, ab instituto arceatur, in partes  
Christi Ecclesiæ concedat, domumque ex  
uto hic domestica superstitionis fermento  
& noua Christi induta iustitia, foelix & in-  
columis redeat. Id ut Reuerendæ Do-  
minationi tuæ cupiam, cum dilectio Chri-  
stiana, tum uero etas, professio, humanis

L tas,

tas, doctrina, denique munus, quo nunc  
apud nos fungitur, me uehementer mo-  
uent, quibus alijsque præter hoc non obscu-  
ris uirtutibus, ita illam hic plurimis eius  
loci hominibus antecellere conspicio, ut  
non immerito, si amor Christi, Euange-  
lijque splendor accederet, summa atque  
præcipua omnium uirtutum omniumque  
actionum condimenta, posse illam pro ex-  
emplo cæteris poni putem. Quod enim  
Reuerenda Dominatio tua mihi ut Saladi-  
no, ad mearum uirtutum cumulum nihil,  
si quam, ut ait, persequor fidem catholi-  
cam, amplexus sim, de futuro scribit, id  
ego quoniam mihi non deest, illi ipsi de-  
esse plane existimo. Video namque, licet  
Reuerenda Dominatio tua, de Christi no-  
mine, nomen quoque Christiani per Bap-  
tismum sortita referat, si ad illius uita, mo-  
resque Saladini, qui alioquin Princeps erat,  
& præstantissimus, & multis maximis uir-  
tutibus clarus, uita moresque conferantur,  
nihilò ipsam plus illo habere, quàm nomen.  
Virtutes quippe R. D. tuæ, sint quantum  
uis excellentissimæ, tamen quia non ex ipsa  
Christi fide, sed ex Romana superstitione,  
quæ

quæ illis meritum iusticiæ attribuit, profici-  
ciscuntur, non magis sunt, quam Saladini,  
hoc est, ciuiles, non Christianæ. Quicquid  
enim ex fide non est, peccatum est, Si pecca-  
tum, ergo non uirtus, propterea dictum est  
illi nihil defuisse ad uirtutem, nisi quod chri-  
stianus non erat. Cum tamen huius ipsius  
Principis, summa animi fortitudo, & mo-  
deratio, qua rerum humanarum incertam  
ac instabilem fortunam ita tulit, ut etiam  
moriturus sibi funerique suo, non quæ stir-  
pis, generisue celebritatem, Imperij magni-  
tudinem, Regnorum opulentiam, uictori-  
arum successus, denique triumphorum splen-  
dorem & magnificentiam referent, insigni-  
a, uexilla, uasa, uestes, arma, trophæa, & id  
genus reliqua uirtutis ac foelicitatis suæ il-  
lustria ornamenta, uestræ Romanæ auari-  
ciæ certissima aucupia, sed quæ suam istarum  
omnium rerum despicientiam, testaretur,  
uitæque humanæ miseram, ærumnosam ac  
calamitosam conditionem, ad ultimum in  
tam pulcherrimo Dei opificio, tam foedi-  
ssime intereuntem, notaret, lineam tunicam,  
preferri mandauit, præcone uociferante,  
hic

hic, inquit est ille Saladinus, Dominus  
Asiæ, qui ex tanta imperij, Regnorumque  
opulentia & amplitudine, nihil aliud, nisi  
lineam hanc uestem secum asportat, cum  
tamen, inquam, illius hæc fortitudo, & mo-  
deratio animi, si ex sensu & humana rati-  
one, æstimaretur, nihil aliud quam pulcher-  
rima, eademque præstantissima uirtus sit.

Has igitur ego uirtutes, Reuerende  
Domine, ut iam prætuli, cuperem tibi esse  
christianas, uera fide, uero Christi amore,  
uero pietatis, religionisque studio ornatas  
quibus si hoc lucis, splendorisque adhibe-  
re uolueris, non Saladinum tantummodo  
huiusue ætatis nostræ tibi similes quam  
plurimos, sed præscos etiam illos, Socrates  
Platones, Aristoteles, Catones, Fabios,  
Cicerones, quorum adhuc illustrissima ex-  
tant uirtutum monumenta, longe supera-  
bis. Quibus omnibus, quanto magis  
Dei, eiusque uoluntatis, cognitione præ-  
stas, tanto magis turpe est, te ab illis uirtu-  
tibus uinci.

Sed hic mihi uenit in mentem, quod  
ut credam, adduci quidem plane non pos-  
sum, ut tamen commonefaciam ac quo-  
dammodo

dammodo liberius perstringam, libertas  
tuæ Reuerendæ Dominationis, qua in me  
admonendo, uel potius exagitando usa est,  
effecit, nimirum ipsam hic apud plerosque  
optimos & grauissimos uiros, de se fecisse  
fidem. Existimare se nulla alia commo-  
diore compendiosioreque uia posse Sa-  
cram ac Serenissimam Maiestatem Regi-  
am, hos nouos, istis in prouincijs, nuper  
exortos de Religione motus sopire atque  
supprimere, quam si consilium suum, quod  
his Sacris & Serenissimis Imperatoriæ,  
Regiæque Romanorum Maiestatibus  
Principibus Sanctissimis ac Sapiëntissi-  
mis, post bellum proximum Germani-  
cum, dedisset, quod tamen illi propter  
summam eius impietatem spreuerant ac  
repudiauerant, exequeretur, Si scilicet ut  
tunc Iohannem Fridericum Ducem Saxo-  
niæ, Imperijque Electorem, & Philip-  
pum Landgrauium Hassiæ, Principes præ-  
ter summum pietatis studium, peculiari  
etiam profusque rara quadam perseueran-  
tia, laudatissimos, ut illius hærescos, quæ  
præbuisse causam his tumultib⁹ uidebatur  
summa & præcipua capita, afficiendos esse

supplicio censuisset, Regia etiam Maiestas  
primos in hoc Regno, hisq; in prouincijs,  
prædicati Euangelij, quod illi hæresis dici-  
tur, authores, atque promotores, plecten-  
dos decerneret. Hac sola & quidem unica  
ratione fieri posse, ut omnibus intestinis  
malis, ac motibus, quorum exordia in  
ipsis iam, quod aiunt foribus, conspiceren-  
tur, occasio, materiesque omnis præripere-  
tur, utque ipsa Respublica in pristino suo  
flore, pristinaque pace, tranquillitate, ac in-  
tegritate conseruaretur, sic tumultibus  
bellisque Germanicis potuisse iam pridem  
Casaream Maiestatem imposuisse finem,  
sibi que ad res alias præclare agendas, &  
ocium, & quietem fecisse, quod quia tunc  
suadente Reuerenda tua Dominatione præ-  
termissum est, plena esse ibi adhuc factio-  
nibus omnia, omnia & odij estuare, &  
mutuis armis, magis magisque perstre-  
pere, Proinde hoc etiam Sacræ Regiæ Ma-  
iestati pertimescendum uehementer esse,  
& ut ne eueniat, modo quo præfatum est,  
impetum hunc primum, qui ut plurimum  
accerrimus est, celeriter reprimendum, ac  
excuciendum arbitrari. Id inquam ego  
Reuerende

Reuerende Domine, ut credam adduci  
quidem non possum, propter uirtutis,  
quam hominibus nostris mihi que de te fe-  
cisti, non uulgarem opinionem. Sed si ue-  
rum est, ut quorundam est non obscura  
assertio, malum certe, turpe, impium,  
crudelē, actyrannicum est, neque ullo mo-  
do cum ueris uirtutibus, quas esse tibi chri-  
stianas cupiebam, consistere potest. Quid  
enim obsecro magis impium, magis tru-  
culentum, magis a uera Christi religione  
alienum est, quam mentes humanas, quæ  
alioquin in actionibus suis, liberrimæ sunt,  
uelle ac conari a uera pietate, uera Dei no-  
ticia, uero amore, timore, inuocatione,  
alijsque Christianis motibus per tyranni-  
dem arcere, atque reprimere, cum ne ini-  
pios quidem uarijsque & insignibus scan-  
dalis abnoxios, ac de ipsa uia ueritatis,  
non mediocriter longe abeuntes, ipse Chri-  
stus, dominus & Doctor noster, exciden-  
dos, extirpandosue esse, quin ad ipsam eti-  
am messem ferendos atque conseruandos  
uoluerit. Sinite, inquiens, utraq; crescere  
usq; ad messem. Idq; ut ibidē manifestum  
est, ne cum tribulis, ipsiq; zizanijs, triticū  
etiam cuelleratur.

Hinc quatin eiusmodi hoc consilium, si  
tamen datum est, cum Christi & Aposto-  
lorum doctrina conueniat, qui non uidet,  
sit oportet talpa. Vult Christus ferri Ziza-  
nia, ne eradicetur triticum. Vos ut uestra  
maneant Zizania, eradicandum esse peni-  
tus triticum censetis. Vult item Christus  
errantes per uerbi ministerium, in spiritu  
lenitatis, in uiam ueritatis reduci. Vos in  
ipsa ueritate, luceque ambulantes, in uestro  
rum mendaciorum tenebras, uestris Bulis,  
uestris Decretis, uestris denique iudicijs,  
impie, sæuiter, ac nefarie trahitis. Chri-  
stus uult uerbo coherceri, puniri que erran-  
tes. Vos id cum uobis toto erretur cœlo,  
ui efficitis externa. Apostoli mentientes  
Spiritu sancto, uerbo occidunt, uos spiri-  
tui sancto, ipsique ueritati testimonium  
perhibentes, igni, ferro, laqueo, occiditis.  
Et ubi ( ne quid uestræ sceleratæ tyrannidi  
desit ) ui non licet aperta, uenena in præsi-  
dium summitis, ut mihi est testimonio.  
Henricus Septimus Imperator Roma-  
nus Florentiæ, ueneno Eucharistiæ illito,  
per uestrum sacrilegum ministerium, scele-  
ratissime necatus.

An uero hæc non extrema impietas  
non summa omnibusque Diris deuouen-  
da est tyrannis : quod cum ne in errantes  
quidem, seu ut uos uultis hæreticos uobis  
liceat. Id uos in ueros piosque Christia-  
nos, quibus esse adminiculo debuistis, in-  
clementer usurpare, Sed quia istis exor-  
dijis, istis que artibus, imperium, tyrannis-  
que isthæc uestra in eam, qua nunc est mag-  
nitudinem excreuit, non uideri mirum de-  
bet, quemadmodum ipse quoque miror,  
minime, cum uos hjsdem stratagematibus  
& conseruare, & retinere conari. Sic opes,  
sic Maiestas, sic Sanctitates uestrorum  
Romanorum Pseudochristorum auctæ  
sunt. Atque hæc ego, hic quidem pro  
meo candore, meaque erga Reuerendam  
tuam Dominationem Christiana prorsus  
beneuolentia, subijcienda, breuibus putau-  
i ut si uera sunt, quæ hic de ipsa, ita ut prætu-  
li sparsa sunt, ab hjs ipsis desinat, neque ex-  
istimet, tam impium consilium, quod sum-  
mi atque præcipui orbis christiani Monar-  
chæ & gubernatores, reiciendum indicaue-  
runt. Sacram hanc Maiestatem Regiam  
beneuolentia, non tyrannide dominantem

M sequuturam

sequituram aliquomodo esse. Sin falsa sunt, quod ego sane uehementer cupio, ut falsa esse credantur, omni cura, studio, diligentia, omni denique labore, efficiat, opinionemque hanc ita de se apud plerosque conceptam, quantum potest tollat. Quod fiet uel facillime, si Reuerenda tua Dominatio dederit operam, pro munere suo, ut non expectato œcumenico, generaliue Concilio, non expectata Pontificis authoritate, non Præsulum, Canonico- rum, reliquiuue cleri uoluntatibus & assensu ipsa Maiestas Regia conuentum indicat Nationalem, liberum, quo hæ religionis controuersia, non sine maximo, ut iam uidere licet, metu, periculi, excitata aliqua iusta & tolerabili ratione, dum Generale Concilium perficitur & componantur & determinantur. Proponaturque aliqua certa administrandarum his in Prouincijs Ecclesiarum, norma & ordinatio. Hoc ut ita sit, pietas primum religioque postulat, expetit Patria, exigit Respublica & communis tranquillitas, denique quod etiam non postremum est, munus, officiumque flagitat

flagitat Regium, iuxta illud, Et nunc Re-  
ges intelligite, erudimini qui iudicatis ter-  
ram, amplectimini filium, ne quando  
irascatur dominus & pereatis de uia iusta,  
& illud, Attollite portas Principes uestras  
& eleuamini porta saculi, & introibit Rex  
gloriae, Vult quippe Deus Ecclesiae suae cu-  
ram, uerbique sui ministerium, non in so-  
lis consistere Pontificibus, aut Episcopis,  
sed etiam per Reges atque Principes, &  
propagari & conseruari, secundum illud  
Esaiae, Erunt Reges nutricij tui, & Re-  
ginae nutrices tuae, quomodo uero nutri-  
ent, quomodo conseruabunt, aut tuebun-  
tur, si non dederint operam, tuendae atque  
conseruandae in Ecclesia doctrinae Euan-  
gelij, quod summum atque praecipuum  
illius nutrimentum est. Propter hoc in  
Regno Israhelitico, Rex in folio residens,  
iubetur exemplar legis accipere a Sacer-  
dotibus Leuiticae tribus, illudque & ha-  
bere secum & omnibus uita suae diebus  
legere, ut discat timere dominum De-  
um suum, & custodire uerba & cere-  
monias eius, in lege praecipuas.

M ij Sic

Sic Iolaphat sic Ioas, sic Ezechias, & plerique alij præstantissimi Reges fecerunt. Non solum librum legis Domini circumferre per multas Iudæ urbes, populumque ex eo docere, & erudire iusserunt. sed etiam congregatis populis, Synodos conuentusque fecerunt, multaque in eis ad conseruandum Ecclesiæ ministerium, necessaria constituerunt. Quin & ipsæ quoque Principales œcumenicæ quatuor Synodus, quæ nunc in Ecclesia extant, non Pontificum autoritate, quod Reuerendam tuam Dominationem melius quam me scire puto, sed Regum, Imperatorumque decretis conuocatae sunt, ut Constantini, Theodosij, Valentiani, atque Martiani. Horum exemplo si Regia Maiestas, non expectato, ut iam commemoravi generali Concilio, pro munere officioque suo, Synodum in prouincijs suis indiceret Nationalem, facilius motus hos religionis, qui uniuerso suo imperio periculum minitantur, eo modo componeret, quam si ex more uestro Romano tuæque Reuerendæ Dominat. ut nonnulli opinantur

uantur sententia, in tyrannidem se, & sup-  
plicia conuerteret, atque ut tandem  
hoc eo etiam libentius Sacra Regia Maie-  
stas faciat, danda est Reuerendæ tuæ Do-  
minationi (quod ego ipsam, per nomen  
Dei uiui, perque pietatem & religionem  
christianam, & oro & obtestor) omnis  
opera, sic fiet, ut & istam de se sparsam opi-  
nionem, tollat penitus, & Ecclesiæ Chri-  
sti hoc in Regno & in his terris conlulat  
optime, eamque laudem, hinc secum au-  
ferat, quod se consulente, pax nobis &  
tranquillitas, denique ipsa etiam Respub-  
lica restituta sit.

Quod reliquum est, rogo si forte pro-  
lixius, aut minus placide quam illa cupie-  
bat respondi, ut id sibi potius quam mihi  
imputet, existimetque me, amplitudine  
illius obiectionum, quas uix, integri tracta-  
tus singulas caperent prouocatum atque  
impulsum, fecisse, ut epistolæ rationem  
quodam modo excederem. Porro diuina  
quodam ordinatione accidit, ut cum uide-  
ri possem serius ad literas Reuerendæ Do-  
minationis tuæ respondisse, hæc Synodus

M iñ uestri

uestri ordinis hominū intercesserit, quam  
ubi epistola mea, ut nihil sane dubito, anti-  
cipauerit, sat opportunum tempus mit-  
tendæ illi aduenisse quisque fatebitur. Nam  
ut ex ea tunc meam de religione, & his  
quæ a Reuerenda Dominatione tua ob-  
iecta fuerunt sententiam, satis commode  
Reuerenda Dominatio tua intelliget,  
ita patribus istis amplissimis, qui illuc ex  
tota Serenissimi Regis nostri ditione tanta  
frequentia confluunt, id ipsum commo-  
dissime & opportunissime monstrare po-  
terit, ut & illi uideant, iudicent, meque ut  
par est doceant, an non recte, & secun-  
dum sacrarum scripturarum normam,  
atque adeo Catholicæ illius primitiuae Ec-  
clesiæ sensum, hæc omnia a me scribantur.  
Optarim autem ut Patres illi in hac Syno-  
do congregati, modis omnibus dent ope-  
ram, ut uetus illa uere Christiana atque  
necessaria, in his nostris regionibus Eccle-  
siarum instituaturs reformatio, & hæc præ-  
sens prophana, Deoque in uisa, fidei, ue-  
terum sacrorum, & honestæ disciplinæ de-  
formatio, e medio tollatur, id uero ut fiat,  
Reue-

Reuerenda Dominationis tuæ consilio &  
auctoritate, pro eo quod præfert officio,  
precor itidem illi a Deo Patre misericor-  
diarum, per gratiam Spiritus sancti eam  
mentem dari, ut positis affectibus, solius  
Christi gloriam, & afflictæ eius Ecclesiæ  
salutem quærat, ab eiusmodi uero practi-  
cis absteineat, qualibus non ita pridem Iu-  
dæi Sochacouæ cum magna omnium qui  
recte sentiunt admiratione & stupore ex-  
usti fuere, sed manifestæ & ipsa luce clari-  
ori ueritati cedens, eo omnia consilia &  
deliberationes dirigat, ut regnum Dei in  
terris floreat, & quam latissime propage-  
tur, ut ita sit nomen eius benedictum, qui  
solus uiuit & regnat in perpetuas æternita-  
tes. Datum Vilnæ die Prima Septembris,  
Anno a Virgineo partu I 5 5 6.

R. D. T. addictissimus.

Nicolaus Radziuil  
manu propria sct.

Reuerend° Domino Aloisio Lipomano, Episcopo  
Veronensi, Pauli III. Romani Pontificis in Polo-  
nia Legato, Domino obseruandissimo,

EVSTATHIVS  
THEOPHILVS CAN-  
DIDO ET CHRISTIA-  
NO LECTORI. S.



Asilius ille magnus, optime  
lector, scriptis prodidit, &  
testatum reliquit, eum fuisse  
Ecclesiae sui temporis statum, ut quo quis-  
que tunc rabie, audacia & impudentia an-  
tecelleret, ille honore & munere Episcopi,  
dignus existimaretur. Huius rei Aloysius  
Lipomanus Episcopus Veronensis, Basi-  
licorum Romanorum legatus, & mo-  
lossus, sagax quidem, sed parum prudens  
& cautus, clarum documentum nuper de-  
dit. Quanta enim rabie insaniat, & quan-  
to fastu & arrogantia turgeat, ex epistola  
illius facile potuisti cognoscere, Nam ut  
operam suam bestiae occidentis totique  
eius uncto & raso satellitio, probaret, ausus  
est stringere calamum in Illustrissimum  
Dominum Nicolaum Radiumilum Ducem  
in Niesuiesz & Olika Palatinum Vilnen-  
sem,

sem, principem autoritate summa, & pie-  
tate celebrem, rebusque omnibus orna-  
tissimum, quo eum rodere & uellicare odi-  
osius non ueretur, idque insistens uestigijs  
& exemplis suorum Papatum, quos olim  
summorum & laudatissimorum Cæsarum  
humi stratorum colla calcare nihil puduit.  
Adde hoc quoque quod hic ut nomini suo  
uere Lipomanico per omnia responderet,  
hippitudines & manias, quibus laborat in  
epistola prodit, & ex cisternis ac cœno-  
commentorum humanorum, multa plau-  
stra mendationum ad ornandam suam cau-  
sam congerit, ac inuehit, sed uides procul-  
dubio eum hic nihil aliud agere & profice-  
re quam tonitruum, crepitum opponere, Illus-  
trissimus enim D. Palatinus Vuilnensis  
magno animi & ingenij robore & scriptu-  
rarum ex medijs biblij ac ex uiuis fontibus  
erutarum ubertate & autoritate, tam  
imbelles senecionis flatus, ita dispellit  
dissicit & prosternit, ut facile diuinem hoc  
ipsum scriptum Lipomano & omnibus  
alijs meretricis septem collium ministris,  
perpetuam Lipothimiam esse allaturum,  
Porro ut Illustrissimus D. Palatinus Chri-

Etiam Principis munus & officium neutrum  
quam prætermisisse uideatur, & nihil inten-  
tatum relinquat, exhibet hic quoque Li-  
pomano contra Lippitudines & manias  
ex scripturis pharmaca perquam saluber-  
rimum. Sed Pharaos remedia respuit, &  
Babilon curari non uult, derelinquendam  
igitur putat, quandoquidem illa suo impe-  
tu facile concidet & ruet, iam enim ante  
ruinam attollit cristas & spiritus. Quis-  
quis igitur es optime lector, tuum erit ut  
tecum gaudeas & hanc felicitatem omni-  
bus Christum uere professis gratuleris, ac  
subinde Deo gratias agas, qui tibi tales  
principes quorum præcipuum studium  
est, ut regi gloriæ portæ pateant, & qui  
magna alacritate filium exosculantur, ex-  
citare non dedignatur, Ardentissimis eti-  
am uotis opta & præcare, ut huic similes  
plures principes habeamus, hic uero in  
negotio quod cœpit, quod hætenus facit,  
singulari constantia & perseverantia per-  
gat, & meretricem inter duo maria se-  
dentem contra principem principum se  
extollentem, & blasphemias in Deum  
euomentem

euomentem, sine manu, spiritu oris Do-  
 mini conterat & conficiat, Denique bo-  
 nam militiam militet, fidelemque se usque  
 ad extremum uitæ præstet, ut olim corò-  
 nam uitæ accipiat. Hunc inquam op-  
 timum & ualde pium principem, sponte  
 sua currentem & nihil tergiversantem, sed  
 in certamine pulcherrimo cœlestis patris  
 ac regis uia præeuntem, omnes summi ac  
 infimi, Nicodemitæ, neutrarumque parti-  
 um & medijs homines assequi studeant, &  
 si quid antea dissimularunt, & alicubi hæ-  
 serunt, nunc talem Ducem nacti in lucem  
 aspectumque prodeant, & potio-  
 rem ducentes gloriam Dei beneuo-  
 lentia & fauore hominum coram Regi-  
 bus & satrapis Christum etiam si Papa  
 cum suis iuratis rumpatur, profiteantur,  
 iam enim sunt egregiam occasionem rei  
 optimæ gerendæ & perficiendæ consequuti  
 ne habent quod amplius obtendant & præ-  
 texant. Par est quoque & communis causa  
 ac ipsa pietas postulat ut tu Germania quæ  
 prima ad Antichristum opprimendum

N ij signa

signa intulisti, & Christo hospitium præ-  
buiſti, tantæ celebritatis Principem ſocia  
arma tecum iungentem, atque per Polo-  
niam & Lituaniam contra eundem Chri-  
ſti aduerſarium bellum circumferentem  
iamque gladium uerbi dei ſtringentem, &  
Eccleſiam Domini longe lateque propa-  
gantem, ubi occaſio & res tulerint opera,  
conſilio, & patrocinioproſequaris, totum  
que hoc negotium ueris precibus & gemit-  
tibus apud Deum prouehas, quod te  
ultra eſſe facturam plane confi-  
do. Vale atque animo forti

& intrepido ſolus, &

cum alijs, pro

ſactis pugna.



REVERENDIS-  
SIMO IN CHRISTO PA-  
TRI AC DOMINO, D. PETRO

Paulo Vergerio, olim Episcopo Ius-  
tinopolitano & Pontificum Roma-  
norum Legato, nunc uero Christi exulti,  
patrono & amico suo in maioribus  
colendo. Iohannes Aurifaber  
Ecclesiarum Prutenica-  
rum in Sambia Sue-  
perattendens.

S. D.



RATIAS AGO DEO  
æterno Patri Domini no-  
stri Iesu Christi, qui lucem  
Euangelij sui subinde latius spargit, multo-  
rumque mentes ad illam serio amplecten-  
dam exuscitat. Quemadmodum & in am-  
plissimo Poloniae Regno illa nunc magis  
magisque oriri, radiosque suos exerere in-  
cipit. Adeo ut multi omnium ordinum  
boni & præstantes uiri, conatus suos eo di-  
rigant, quo tandem aliquando explosa  
omnibus e templis, hominumque pecto-  
ribus

ribus superstitione & idolomania papistica, Vera in eius locum doctrina Euangelij restitua- tur & succedat. Talia cum saepe hoc tempore, quo in Prussia uersor, ab homini- bus fide dignis commemorari cum magna animi uoluptate audiuerim, memini inter illos, quorum praeter ceteris eximia erga tam sacrosanctum institutum uoluntas est, no- minatum & praedicatum mihi esse Illustri- ssimum Principem D. Nicolaum Radi- uilum Ducem Olicae ac Niesuis in Lituania, Palatinumque Vilnensem. Vnde ex eo iam tempore & honorifice sentire coepi de hoc tali fautore & nutritio Ecclesiae Litu- uanicae atque Polonicae, & Deum, ut illum in hoc sancto proposito confirmaret & proueheret, precatus sum. At uero nunc, postquam istam eius epistolam, qua Lipo- mano Pontificis Legato respondet, legi, Deus bone, quam multiplice admiratione adfectus sum? Quem zelum, quam in con- fitenda ueritate ingenuitatem & alacrita- tem, quantam doctrinae caelestis intelligen- tiam, quantum denique uindictanda gloria Dei, extirpandique impij Papatus studi- um & ardorem, hic mihi animaduerte re- uisus

Julius sum? Fateor ingenue, me antea ta-  
lia nec cogitasse, nec audiuisse de eo, sed  
hic omnia fere mea opinione, aliorumque  
relatione,prehendisse maiora. Quo  
magis etiam lator nunc, tum propter Dei  
gloriam, tum propter totius Ecclesia  
(non tantum huius Lituanicæ atque Po-  
lonicæ) utilitatem, primum quod Deus  
dona in hunc Principem, tot & tanta con-  
tulit, deinde quod illa ipsa nobis quoque  
multisque alijs innotescere, tali adeo occa-  
sione, uoluit. Nam & exempla hæc ad ali-  
os erudiendos atque excitandos, confir-  
mandosque, efficacissima sunt, & occasio  
presentis negocij talis est, ut in illa etiam  
singulare quoddam Dei consilium, quo  
& dona hæc nobis patefacere, & hostem  
suum Antichristum pudefacere uoluerit,  
agnoscere atque admirari liceat. Nimi-  
rum, cognouerat Pontifex Romanus,  
in Polonia hoc agi, ut nationale concili-  
um cogeretur, in quo de repurganda do-  
ctrina, deque tollendis abusibus, delibe-  
rationes essent. Id ille pro sua in Ec-  
clesiam Dei tyrannide nullo modo sibi  
ferendum ratus, mittit ad Serenissimum  
Poloniæ

Polonia Regem istum suum ueteranum  
wapasá-lu, qui consilia illa impediatur, quan-  
tumque possit Regnum Polonia in offi-  
cio, obedientiaque sedis Apostaticæ reti-  
neat. Interea bonus iste Lippomannus, ad  
modum in hac re lippiens, seu cæcutiens  
uerius, ea prorsus agit, quæ non possunt  
non summo esse exitio & dedecori Papa-  
tui in hoc Regno, & e contra magno tum  
ornamento, tum solatio Ecclesiæ Dei, ad  
quam persequendam ille aduenerat. Nem-  
pe cum is non stulte quidem intelligeret in  
uno hoc D. Radiulo per multum mo-  
menti esse, istum præ cæteris adoritur, Sed  
ita adoritur, ut non tantum suam turpitu-  
dinem & cæcitatem insigniter prodat, ue-  
rum etiã Principi isti edendæ huius pulch-  
errimæ & luculentissimæ confessionis, quã  
non modo nunc late spargi, plurimisque  
communicari, sed & ad posteros propa-  
gari, ingens operæ precium est, magnam  
causam occasionemque præbeat. Ista uere  
Dei sunt opera. Qui ita nouit sapientes hu-  
ius mundi in astutia sua comprehendere, &  
suos e tentationibus eripere, mirabiliterq;  
consolari, & erigere. Is itaque ueris ge-  
mitibus

mitibus orandus est, ut isto modo Ecclesi-  
am suam in hac mundi confusione deinceps  
quoque tueri ac fouere, Antichristum  
autem spiritu oris sui magis magisque con-  
ficere pergat. Quemadmodum nunc quis-  
dem insigniter facit, non modo per humi-  
les & spreto quosdam coram mundo (qua-  
les fere sunt qui in publico ministerio uer-  
bi Dei uersantur) sed & per Principes, &  
quidem tales, qui tot alijs donis ac uirtu-  
tibus, tum uero & in rempublicam meri-  
tis insignes ac praeiustres sunt, Ut omnino  
infinitam hominum multitudinem illo-  
rum exemplo, testimonioque & iudicio,  
moueri atque excitari oporteat.

Neque tamen ista eo a me dicuntur,  
quasi in hoc omnia sita esse putem, ut scili-  
cet Euangelium tales, tamque potentes &  
nobiles in mundo adsertores habeat. Qua-  
sique Euangelio non etiam sine his, imo  
uero ijs omnibus repugnantibus, sua dig-  
nitas & maiestas constet. Sed quod & ista  
Dei beneficia, cum dantur, merito agnos-  
cenda & praedicanda sunt. Tum uero quod  
in hoc exemplo, etiam illud p̄is mentibus

○ intueri

intueri & considerare gratum esse existis-  
mo, quod hi ipsi potentes & nobiles in  
mundo, quando bellum cum Antichristo  
gerunt, non tam opibus atque armis suis  
mundanis illum inuadunt atque feriunt,  
quam spiritu oris diuini, quo Antichri-  
stum terrendum, interficiendumque Pro-  
phetæ & Apostoli prædixerunt. Vtque in  
præsentia ad talem pugnam Principi isti  
eo maior causa & occasio esset, prodit Li-  
pomanus in medium, principemque ma-  
ledico & blasphemio scripto laceffit. Vi-  
res deinde suas ostentat, & quid tum  
blanditijs tum uero & obiurgando, terri-  
tandoque possit, experitur. Ac sibi forsân  
in his mire placet, Cum tamen nil nisi uul-  
gatissima illa, de Ecclesia & fide Catholica,  
de uetustate & amplitudine regni Pontifi-  
cîj, & e contra de doctrinæ Euangelij no-  
uitate ( si dis placet ) deque paucitate &  
imbecillitate amplectentium illam, in me-  
dium proferat, & in cuculi modum de-  
cantet. Quæ ut imperitum uulgus non  
nihil territant & fascinant, ita cæteris pe-  
ritioribus, & in doctrina ueræ Ecclesiæ  
Catho-

Catholica exercitationibus, nugæ mera  
sunt. Vt mirum sit, illos non pudore  
aliquo inhiberi, quo minus tam protri-  
ta & profligata, explosaque iam dudum  
terriculamenta & figmenta, etiam nunc in  
tanta Euangelij luce proferre, aut cuiquam  
obijcere audeant. Sed ita nimirum oportet  
Antichristum cum summa impietate,  
extremam quoque impudentiam coniun-  
gere, iuxta scripturam. Palatinus itaq;  
Vilnensis ita petulanter a Legato prouo-  
catus & laceffitus, ne uideatur uel <sup>ἐπίστασις</sup>  
esse, uel alioqui confessionem illam glori-  
sam filij Dei coram hominibus, coram-  
que generatione ista mala & adultera de-  
fugere, prompte animoseque cum eo con-  
greditur, prout epistola hæc illius abunde  
testatur.

In qua dum obiectiones & calum-  
nias aduersarij refutat ac diluit, suamque  
sententiam recitat ac confirmat, manife-  
ste se aggregat ad ueram Dei Ecclesiam, in  
qua uox Euangelij incorrupta sonat. A sy-  
nagoga autem Papistica, expressimis uer-  
bis se separat, eiusque errores, imposturas,  
O ij idolaz

idolatrias & blasphemias disertissime reijcit ac damnat. Hoc nimirum illud erat, cuius eliciendi causa Lipomanum ita impudenter insultare isti Principi Ecclesiæq; Dei oportuit. Quo uidelicet extaret aliquod memorabile piæ & ingenuæ confessionis, a magno Principe in hac gente profectæ, exemplum, quod ad aperiendos multorum aliorum in toto Regno Poloniæ oculos, quo liquidius ueritatem agnoscant, fraudesque & impietates Papisticas deprehendant, abominentur & abijciant, itemque ad confirmandos in uera sententia omnes reliquos, quorum mentibus iam ante Christus sol iusticiæ illuxit, esset quam efficacissimum. Merito itaque Deo, etiam pro hoc singulari beneficio, Ecclesiæque suæ ornamento & incremento, toto pectore agimus gratias. Et ego nominatim tibi quoque Reuerende in Christo pater, magnam habeo gratiam, quod & priuatim meum exhilarare animum communicatione talium epistolarum uoluisti, & nunc easdem in publicum edis. Quo nomine etiam omnes Christi Ecclesias tibi gratiam habituras confido. Nam ut hæc talis

lem

lem Illustrissimi Principis confessionem  
haud dubie probaturæ, gratoque animo  
accepturæ sunt, ita, cum tua solius diligen-  
tia, & qua apud Principes uiros uales auto-  
ritate, ut illa typis euulgaretur effectum  
sit, nec effici facile per alium, ut ego existi-  
mo, potuisset, e tuis omnino manibus il-  
lam sunt consecuturæ. Dominus noster  
Iesus Christus & has & reliquas omnes  
tuas actiones, quibus iuuare Ecclesiam

Dei, regnumq; Antichristi euertere

studes, ad gloriam nominis sui,

multorumque salutem dirigat

& prouehat, Amen. Bene

uale. Regiomonte Cal.

Octobris, Anno

M. D. LVI.

O ij

Errores sic Corrige.

- B. ij Linea 10. Apostolicam q̄; sedem, lege Apo-  
stolicam sedem quam.  
D. Linea 14. Comminisci, lege Commemorari.  
E. Linea 2. dissimulasse nihil, lege dissimulasse  
nihil.  
E. iij tergo Linea 7. restituti, lege restitui.  
F. Linea 14. scurranum, lege scurrarum.  
F. 4 Linea 17. minima, lege minime.  
G. ij Linea 20. ESSE uacat.  
G. iij Linea 16 intellecta profecta, lege intellectas  
profectas.  
H. ij Linea 25. Quia uacat.  
H. Linea 6. exhibendam, exhibenda.  
K. ij Linea 26. iudicium, iudicium.  
M. Linea 24. iudicauerunt, indicauerunt.

**M**Aiore diligentia utemur in altera adi-  
tione, altera enim mox adornabitur,  
cumque Illustrissimus summa sapientia,  
summa uirtute, atque de renascenti doctri-  
na Christiana optime meritus Princeps,  
Dux Christophorus Virttembergicus suæ  
fidei confessionem ante quinquennium edi-  
derit, cū hac ipsa Illustrissimi Palatini Vil-  
nensis confessio, quia pulcherrime con-  
ueniet, uno in libro coniungetur, atque una  
totam Europam peruadet. Nam ut scias,  
christiane lector atq; gratuleris, iam utraq;  
est.

est uersa Italice, utraq; Germanice, ac paulo  
post etiam Polonice ac Gallice uertetur, ut  
omnibus quibus possumus linguis ac stu-  
dijs celebremus doctrinã & gloriam ater-  
ni patris D. N. Iesu Christi: Corruptiones  
uero atq; infamiam Antichristi, eiusq; me-  
reticis Babilonica patefaciamus atque  
exagitemus.

### Apocalip. 18.

Quantum glorificauit se, & in delicijs fuit, tantum  
date illi tormentum & luctum, quia in corde suo di-  
cit, sedeo Regina, & uidua non sum & luctum non  
uidebo. Ideo in unadie uenient plagæ eius mors &  
luctus & fames, & igne comburetur, quia fortis est  
Deus qui iudicabit illam, &c.

est ueris testis in rebus Germanice, ac paulo  
post etiam Polonice ac Gallice ueretur, ut  
omnibus quibus potuerit linguas actus  
dixit celeberrimus doctus & gloriosus  
uir uirginis D. N. Iesu Christi. Conspicua  
uero atq; insignis auctoritas, cuius non  
tanta Babilonica patet, sed etiam  
exigitur.

Apoth. 18.

Quoniam gloriatur se, & in delictis suis  
dare illi coronam & lucrum, quia in corde suo  
est, sedo Regis, & uideri non tam & lucrum non  
in hoc, sed in ueritate uentis, plura claudere &  
lucris & famis, & sine compunctis, quia fornicat  
Deus qui iudicabit in re, &c.

IN ALOYSIVM LIPO=  
MANVM, PAULI IIII.  
ROMANI PONTIFICIS IN  
Polonia Legatum.

CHRISTIANI LIBERII VERACIS  
Luceorienlis, Carmen.

**E**Rgonè synceram tentasti auertere mentem  
A uera tanti religionis uiri ?  
Ad tristes Papæ tenebras, noctemq; profundam,  
Pelliciens fucis ô Sycophanta tuis,  
Heroem, cuius celso illustrauit Olympo,  
Luce sui uerbi, pectora casta, Deus.  
Inq; dies, acres a sancto flamine motus  
Excitat, & ceptum fortiter urget opus.  
Sic olim ad tristes tenebras noctemq; sequendam  
Noctua fœda Iouis sollicitabat auem,  
Regia sed uolucris, quia cœlo gaudet aperto,  
Quæq; diem faciunt lumina solis amat,  
Reppulit hanc à se uerbis irata seueris,  
Quæq; solet noctis iussit opaca sequi.  
Non minus hæc etiam demonstrat epistola cuius,  
Quàm benè conatus cesserit iste tibi.  
Quæ breuibus uerbis, quod scripta sit, aspera nec sit  
Par erat, ut meriti pro ratione tui.  
Causa fuit belli, quod nunc mouère, tumultus,  
Lioues, promptum Martis ad arma genus.

Et varijs Litauum Respublica cineta periclis,  
 Hic humeris cuius tam graue gestat onus,  
 Ille etiam cuius lingua calamôq; fideli  
 Vsu erat, subita morte peremptus obit,  
 Lancius insignis iuuenis, scelerate Magister  
 Debit hoc tantum non licuisse tibi.  
 Perfidia ille tua, dum munia Regis obiret  
 Legati, contra fasq; piûmq; perit.  
 Nec potuit iustam cupiebat ut addere limam,  
 Sed cursu in medio penè reliquit opus.  
 Ac rectè moriens dixisset, Candide Lector  
 Emendaturus si licuisset, eram.  
 Sed tamen utcunq; est incomptis condita uerbis,  
 Nec cura autoris ritè polita sui,  
 Qui cupiunt simplex sine fuce noscere uerum,  
 Omnibus est meritò grata futura pijs.  
 Præsertim quicunq; uident, non artibus illis  
 Quas resouet placido docta Minerva sinu,  
 Artibus at nimium duri Mauortis, & aulæ,  
 A teneris annis incubuisse Ducem.  
 Debeat ut meritò, quicquid nunc deficit illi  
 Suadet uti pietas, & socialis amor.  
 Arreptis calamis certatim id turba piorum  
 Perficere, & tanto iungere castra uiro.  
 Qui quacunq; datur, linguam, calamumq; manumq;  
 Omnibus his quantumcunq; ualere potest.  
 Auxilio grex parue tuo sinceriter offert,  
 Qui Christi puro pectore sacra colis.  
 Ergo agite occiduo scriptores quotquot in orbe  
 Iusta in Tartareum sumitis arma Papam.

Teutones, Ausonii, Galli, Belgæ atq; Britanni,  
Et quoscunq; modò noster hic orbis habet,  
Arripite impigri calamos, sanctumq; iuuate  
Certatum contrà talia monstra, Ducem.  
Militia hæc iusta est, Christi pia sacra tueri,  
Qua non est summo gratior illa Deo.  
Nec Papæ euertit tristem magis ulla tyrannim,  
Qui Christi miseras depopulatur oues.  
Vos modo coniunctis umbonibus, acriter hostis  
Reprimite in uestrum tela parata caput.  
Certa aderit cælo uobis uictoria, namq; est  
Illius ante ipsas sæua ruina fores.  
Conficit hunc Christi siquidem nunc spiritus oris,  
Vt Pauli uoces nos monuere sacre.  
Scilcet extremum qui iam expectatur in horas,  
Ille graui casu corruet ante diem.  
Victor at insignes celebrabis Christe triumphos,  
Cum populo æternum Rex benedictæ tuo.

DE EODEM ALOYSIO LIP  
POMANO LEGATO PONTIFICIO  
quod Iudæos Sochacouia ob uiola=  
tum panem Eucharistiæ exuri  
iusserit.

PRUDENTII CACHINNII  
Epigramma.

Iudæos ferro uiolantes corpora panis,  
Plebs addicta Papæ quem putat esse Deum.  
Lippomanus flammis, tanquam illi idcirco fuissent  
Hæretici, perdens, Hæresiarcha fuit.  
An parua est, panem esse Deum Christumq; putare,  
Hæresis? & uerus quod fluat inde cruor?  
An parua est etiam, scindi immortalia ferro  
Posse, poluui ingressi credere membra Dei?

ALIVD

Iudæi Christum esse negant hominemq; Deumq;,  
Tu contra frustum panis id esse putas,  
Error uterq; ingens, quamuis contrarius hic est,  
Atq; ideo flammis dignus uterq; fuit.

ALIVD IRONICVM.

Illapsam caelo Christi conscindere carnem  
Quod ferro auderent denuo grande nefas,  
Vindicibus

Vindictibus flammis Iudæos urere iussit  
Legatus, præsul summe Carapha, tuus.  
Res mira, & sæclis merito memoranda futuris,  
Denuò sic Christum uulnera posse pati.

ALIVD ITIDEM  
IRONICVM.

Christus Præsides Pontio Pilato,  
Olim fixus erat cruci, suumq;  
Nostra ob crimina fuderat cruorem,  
Necem urgentibus illius prophanis  
Iudæis, odio ac furore cœcis.  
Idem Massouijs modo sub oris,  
Borco præside Sochaouiano  
Iudæis miserisq; sordidisq;  
Cunctorum, licuit, stupore magno.  
At sicut meritas dedere pœnas  
Illi Romulidum Duci potenti,  
Toto nunc uolitat celebris orbe  
Cuius gloria, desitura nunquam.  
Sic hi nunc etiam dedere pœnas  
Tres crudeliter ignibus cremati,  
Misso à Romulidum Papa potenti  
Legato, uolat inclÿta ecce facti  
Fama Sarmaticum istius per orbem,  
Cunctos hæreticos metu fatigans,  
Qui sic mordicus antea tenebant,  
Christi impassibilem fuisse carnem,  
Postquam in cœlum abiit semel resurgens.

Vnde, Symbolon ut docet, supremo,  
Tandem ad iudicium die redibit.  
Dicant Romulidæ iam, lo triumphæ,  
Noster crescit honos, ruuntq; passim  
Illi Euangelij noui sequaces,  
Christi obire uices Papam negantes,  
Et quicquid iubet hoc parem uigorem,  
Iure Apostolicis habere iussis.

OMEN MATHIÆ STOI  
REGIOMONTANI, PHILOSO  
phiæ & Medicinæ  
Doctoris.

Ausus es hoc etiam Lipomane Deiq; tuiq;  
Oblitus, Regni sollicitare caput.  
Sublimemq; animum scelere attentare minisq;  
Quo Duce Sarmatiæ est serior orta salus.  
Vnde tuam subiit talis persuasio mentem,  
Qua poteras illac suspitione trahi?  
A causis quibus illa tibi fiducia creuit  
Sperares ut ijs fraudibus esse locum?  
Non tibi spem generis status illustrissimus illam  
Obtulit, aut facies serua ferensq; capi,  
Non canis ferme prudentia certior annis,  
Et bene promeritum qui comitatur honos.  
Non uis ingenij quæ nata est rebus agendis,  
Iamq; sagax statuit plurima, plura dabit.

Non

Non studia eloquijq; decus, quæ singula possent  
 Magna uideri alijs, huic tamen esse parum.  
 Sed Lipomane dabis, si me non omnia fallunt  
 Pœnas, ultor erit primus & ipse Papa,  
 Dum, malè Legati perfunctus munere, Romam  
 Ut decet in seruo uincte traheris equo.  
 Ante sed & statuens tibi grata Polonia furcas  
 Hac cura poterit forte leuare Papam,  
 Namq; extirpari quæ te doctrina magistro  
 Debuit, in cœlum sustulit aucta caput  
 Feruet opus studijs Christi sincera colentium  
 Dogmata, in immensum est amplificata seges.  
 In sua quam Christus mox colliget horrea, namq;  
 Illius aduentum non procul esse reor.  
 Tu uero Radiuilonum decus, inclyte Princeps,  
 O generose tuæ sanguis amorq; domus.  
 Adfere diuini uerissima dogmata Verbi  
 Qua debes dextra uindice quaq; potes.  
 Et calamo quite fluidus non deserit unquam,  
 Ore simul Charites quod docuere loqui.  
 Hoc tuus ille animi uigor & genitiua requirunt  
 Nobilitas, uirtus, gloria, musa, fides.  
 Postulat hoc non fictus amor patriæq; Deiq;  
 Et res quam debes esse putare tuam.  
 Me uero hæc alacri serc' asica uoce canentem,  
 Qua sola potui parte uenire tibi.  
 Atq; utinam liceat quoniam libet esse in iisdem  
 Partibus, in quas hæc nuda Thalia uolat.  
 Non timeam calamum uocemq; in fata Papatus  
 Strîngere, dum nequeo fortis ad arma manum.

Atq;

Atq; ita pro sola Christi pietate tuenda  
Nobis in Domino fortibus esse licet.  
Tu maius quiddam potes, & præclarus istis,  
In laudem patriæ Dux animose tua.  
Maeste animo Radiuilonum stirps inclita, maeste,  
Inq; tuas laudes nil superesse sine.  
Viue decus gentisq; tuæ fideiq; labantis,  
Spes noua & hæc à me consule scripta boni,  
Hoc quoq; non leuo precor omen suscipe uultu,  
Quod tibi ab auspicijs crede uenire bonis.  
Stabit ab asserto Radiuli gloria Christo,  
Seu uelit hic illum uiuere siue mori.

duToXeNas}

DE SACROSANCTI  
EVANGELII, IN DITI-  
ONE REGIS POLONIAE,  
post reuelatum Antichri-  
stum, Origine, progressu,  
& incremento.

VIRILII MVSÆI HYPOREADIS

Elegia.

*Andrea Tricesii*

**T**Vnè etiam sacra titulos ô BRESTASarèpta,  
Et decus aeterna posteritate feres?  
Cuius quando uidet Papista superbus & amens,  
Exiguas, uerè rustica tecta, domos.  
Soluitor in risus, Christumq; uenire sub istas  
Nos admiratur credere posse casus,  
Atq; humiles eius sectari malle ministros  
Sacri Euangelij qui rude dogma docent,  
Alta nec angustæ præferre palatia Romæ,  
Magnificumq; Papam, Cardineosq; patres,  
Quæq; cucullati subtilia dogmata fratres  
Finxerunt, toto pectore nolle sequi.  
Ridet at immeritò, de mansuetudine magna  
Quandoquidem Christi cogitet ille nihil:  
In stabulo Bethleemica qui nascitur urbis,  
Cuius congestum cesspite culmen erat,  
Præbuit Attalicum Domino præsepe cubile,  
Plumarumq; loco fascia uilis erat.

b

Pastores

Pastores ouium tenuis plebecula, primi  
Accipiunt tanti nuncia lata boni.

Contempsit Dominus Solymas, teq; aurea Roma  
Totius imperium quam penes Orbis erat.

Sacrorum antistes summus Pharisæaq; turba,  
Israelitica lumina prima domus.

Ignorant Dominum uenisse è uirgine natum,  
Quin imò hostili fraude doloq; premunt,

Hoc etiam, si parua licet componere magnis,  
Et nostro fieri tempore quisq; uidet,

Quando reuelari iam debuit Antichristi.

Qui Domini sæuus uastat ouile furor:  
Vnde Euangelij lux totum surgat in Orbem,  
Nec tu Roma potens, nec Papa magne places.

VITEBERGA placet, diuina ubi uoce LV THERI

Hoc tantum primo transigeretur opus.  
Quantula at hæc urbs est, alias si respicis urbes?

Quantus item HELIAS ille LV THERVS erat?

Præsulibus tantis, tibiq; ô ter maxime Papa,

Qui primo solus prælia tanta mouet?

Et tamen his paruis creuère è fontibus orta,  
Magna Euangelij flumina in Orbe sacri.

Quæq; prius contempta fuit, nunc floret ubiq;

Relligio, ueterum tempore qualis erat.

Scilicet hæc Domini constans & certa uoluntas,

E cunctis facile noscitur historijs.

Vt res exiguas, humilesq; extollat in altum,

Casibus horrendis cuncta superba ruat.

Vt gentes alias taceamus, in orbe Polono

Hic Euangelij nunc quoq; cursus erat.

Spernitur

Spernitur urbs Craci, primæ spernuntur & urbes  
Rex noster lata quas ditione tenet.

Vrbes exiguae placuere & uilia teeta,  
PINCOWIA est primo sed numeranda loco.

Primus ubi nutu cœlesti OLESNICIVS heros  
Aggreditur sanctæ religionis opus:

Eiecitq; suis monachos idolaq; templis,  
Et sacra missarum prodigiosa Papæ.

Restituit ueteres cultus, formamq; sacrorum  
Qualis Apostolico tempore prima fuit.

Et quamuis ideo sit plurima passus, ut omnes  
Crux sequitur subito corpus ut umbra pios.

Hæc prædura tamen crux non deterruit illum,  
Quem Deus ad sanctum cunq; uocat at opus.

LASOCIVS siquidem flagrans pietatis amore,  
PELSNICIÆ instituit mox ea sacra sua.

CRETICIO, insigni pietate simillimus illi  
Rure, PHILIPPOVIVS mox quoq; fecit idem

Sic & STADNICIVS, quem clarum stemma uetustæ  
Gentis, & eloquij tollit in astra decus.

DVBECIÆ nam templa sua, pagi; quod VRSI  
Nomen habet, pura religione nouat.

Cur ego GNOIENIOS taceam? CRVPCAMq; , potenti  
Qui mala permulta à præfule passus erat,

Scilicet hi Christum magno feruore secuti  
Hospitium esse domos huic uoluere suas

Tu quoq; cui patrium genus OSTROROGESuperbis  
Antiqua titulis nobilitate micat.

COSMINCÆ tua templa OSTROROGIq; reformas,  
Maxima laus domui surgit & inde tuæ;

Hunc sequitur meritò magna uirtute notandus,  
 Et Christi assidue quem pius urit amor!  
 Sponte Palatini qui priuat honore seipsum,  
 Publica pluris habens commoda **LESCINIVS**.  
 Sic bene iam nostris Ecclesia creuit in oris,  
 Inq; dies fratrum copia maior adest.  
 E pagis ac oppidulis transiuit in urbes  
 Maiores, sanctæ religionis honor.  
 Plena urbs est **CRACI**, plena est **POSNANIA**, nostris  
 Fratribus, & gelido proxima **VILNA** polo.  
 Vrbs etiam à forti nomen sortita **LEONE**,  
 Et **GEDANVM**, caput est quæ Pomerella tuum.  
 Sic urbes aliæ nostro sub Rege potentes,  
 Quis esset longus enumerare labor.  
 Iam penè innumeros Christi pia regna sequentes,  
 Et Papæ excutiunt qui iuga sæua fouent,  
 Nec minus excutiunt & equestri ex ordine primi,  
 Serpit & hoc latè per loca cuncta bonum.  
 Quæq; prius tenui manabant flumina riuo,  
 Vndiq; iam uasto gurgite adaucta ruunt.  
 Iam Secemina tuæ fregit **SAFRANECIVS** adis  
 Idola, & fieri debita sacra iubet.  
 Iam bello atq; toga præstans **VLODISLAVIVS** heros,  
 Nominis hoc etiam fecit in urbe sui.  
 Fecere hoc magnæ quibus est Respublica curæ,  
 Fortis **OSOLINIVS**, **SENNICIVS** q; grauis.  
 Deliciumq; ingens & nobilitatis & aula  
**REIVS**, quem magnum iure uocare potest,  
 Sive quis ingenium, seu nostri respicit artes  
 Carminis, & uario scripta referta sale.

**Papa rues, magni ecce Duces, sanctusq; senatus**  
*Lachiadum, fraudes iam didicere tuas.*  
**Ipse etiam AVGVSTVS, Rex admirabilis omni**  
*Virtute, excelsi & dotibus ingenij:*  
**Gratatur patrijs se Principe talia regnis**  
*Coelesti a Domino dona beata dari.*  
**Ergo fremas utcunq; uoles, tamen auspice Christo**  
*Lachidos in regno perfide Papa rues.*  
**Ecce decus nostrum TARNOVIVS inclytus armis,**  
*Quem laudare satis non mea Musa potest,*  
**Sicut apostaticæ damnat delyria sedis,**  
*Sic placidus ueram prouehit usq; fidem.*  
**Virtutes patrias imitatur filius, ingens**  
*Mansueti exemplar cuilibet ingenij.*  
**Te RADIVILE potens, Litauorum amplissima gentis**  
*Gloria non minus hæc cura beata tenet.*  
**Qui mauius inopem mansucto pectore Christum,**  
*Quam tumidi Papæ ditia regna sequi.*  
**Scilicet es primus, Litauæ qui gentis in orbe**  
*Sacra palam Christi pura fidemq; colis.*  
**Nec cessant alij, Lachorum splendida gentis**  
*Sydera, præstantes Marte togæq; uiri.*  
**TENCINIVS Magnus, seu quis spectauerit eius**  
*Virtutis raræ lumina, siue genus.*  
**Bellandi sandiq; potens, hic iure secundum**  
*Post te TARNOVI hoc obtinet orbe locum.*  
**Tu quoq; consilij qui Nestora uincis & ipsum,**  
**IORDANE insigni progenerate domo.**  
**Quem Mæcenatem, pubes studiosa, benignum,**  
*Ingenijs merito tollit in astra suis,*

Sic & ZBOROVIVS sumptis Mars alter in armis,  
 Et tota illius Martia progenies.  
 Sic LVCAS GORCANVS, opes fortuna benignas  
 Cui dedit, hoc siquidem munere dignus erat.  
 Illas hic patriæ cum tanto effundat honore,  
 Penèq; sit studijs ancor a sacra bonis.  
 Rex ideo iuveni celfos Augustus honores,  
 Donaq; ob egregij contulit ingenij.  
 Sic etiam probat hæc Christi pia regna sequentes,  
 Magnanimo excellens pectore MELECIVS.  
 Laudat idem natus sequiturq; haud degener illi,  
 Quemq; breui patrius iure sequetur honos.  
 Nec minus & scedi impugnat simulachra Papatus,  
 Et totam excelsa mente animoq; luem.  
 Quem penes est belli in Lituorum summa Ducatu,  
 Altera magne domus lux RADIVILE tuæ.  
 Hunc sequitur CHODKEVICIVS, Capitaneus acer  
 Est in tonse tui qui Sama gitta soli.  
 Atq; ad bella fremens Mauortia filius eius,  
 Nec patre consilij dexteritate minor.  
 Eximios habuit pars prima, secunda sequetur  
 Non minus eximijs grata futura uiris.  
 Castellanorum quos Rex dignatur honore,  
 SPITCONEM at primû nostrâ Thalia canet.  
 Huic siquidem fisci Regalis credita cura est,  
 TARNOVIÆ hinc surgit fama secunda domus.  
 Moribus ille nitet placidis, puraq; meretur  
 Eximium certe relligione decus.  
 Sic OSTROROGVS genus alto à sanguine Lachi,  
 Et meritò patriæ gloria prima suæ.

Quandoquidem similem facit hunc heroica uirtus  
 Principibus, noster quotquot hic orbis habet.  
 Sic & MISCOVIVS, causisq; forensibus aptus,  
 Prudentiq; VALENS pectore DEMBINIVS.  
 Sic & magnificus, constanti mente BONARVS  
 Qui mala pro Christi nomine multa subit.  
 Hic etiam linguaq; cupit calamoq; fideli  
 Plectere te, & forti Papa superbe manu,  
 Sic LV TOMIRII, antiqua uirtute fideq;  
 Quos fama, insignes, ipsa sub astra uehit.  
 Hospitia exulibus qui dant blandissima Musis,  
 Hac uirtute nihil rarius Orbis habet.  
 Sic etiam HERBORTVS, sic armipotens BORATINVS,  
 Excellensq; cato BZICIVS ingenio.  
 Et cum TOMITIO Mauorte CROTOVIVS ingens,  
 Et patrio clarus stemmate SLVZOVIVS.  
 Sic VOLSCI, sic tota domus FIRLEIA, multis  
 Incluta militiæ laudibus atq; togæ.  
 Sic audax opibusq; potens SENENS CVS, & aulæ  
 CIKOVIVS præses diua ISABELLA tuæ  
 Et qui difficiles prudenter soluere causas  
 Subtili nouit mente SIRACOVIVS.  
 Sic aulæ Regina tuæ CATHARINA Magister  
 TARLO, sic præstans eius uterq; nepos.  
 Te quoq; qui tuus est TREBVCHOVI amplissime candor  
 Mutari in templis plerq; sacra uelis.  
 Nec nos PRVSSIA CÆ decora augustissima terræ,  
 Bello æquè insignes ac pietate iuri,  
 Magnanimi CEMÆ, et tria candida pectora fratres  
 DZIALINI, fas est præterisse mihi.

Nam ducibus uobis prima è nobilitate iuuentus  
 Prusiacæ, in Papam prælia iusta mouet .  
 Nostra Palatinos Castellanosq; Thalia  
 Absoluit, Christi quos pia sacra iuuant,  
 Sed nec abest tantis audaci pectore cceptis  
 Incluta, Regalis turba satellitij .  
**Magnanimus Mariæburgi MISCOVIVS arcis,**  
 Qui regit officio mœnia uasta suo .  
 Et nulli antiqua heroùm grauitate secundus,  
 Ac belli insigni laude **LVBOMIRIVS.**  
 Sic fratres alij ueterani Regis in aula,  
 Sic & magnificæ stirps generosa domus.  
**GORCANI,** bellis immitibus apta iuuentus,  
 Quos inter Patres iam manet altus honor.  
 Sic **L ASCI** illustres summa uirtute parentum,  
 Martia seu spes prælia, siue togam .  
 Sed neq; degeneres sunt nati, aquilæq; feroces  
 Persimiles natos progenuère sibi.  
 Sic et **PENASCVS,** sic robore **L VVOVIVS** ingens.  
 Magnanimi hinc nomen iure leonis habet .  
 Sic cum fratre suo præstans **GNOIENIVS** armis,  
**CIKOVIVS**q; alacri pectore bella gerens  
 Et bene qui dulces armis iunxere Camœnas  
**MISCOVII,** egregij qualibet arte uiri .  
 Et qui munifici sequitur uestigia patris,  
 Dotibus humani **ZBANSIVS** ingenij .  
 Sic & Melnicia præses dignissimus arcis,  
 Integer atq; manu fortis **IRIKOVIVS.**  
 Et **ZEBRIDOVII** fratres, & notus ubiq;  
 Festinus salubus **L ASCIVS** atq; iocis.

**Et VA SOVICII**, quorum Radomia tellus  
 Virtute egregia & religione nitet.  
**Sic CVRILLO** comis, sic & **IACVBOVIVS** ille,  
 Quem clarum probitas integritasq; facit.  
**Sic & BRONEVIVS**, varias cognoscere linguas  
 Cui studium, & præstans Marte **RVMEIOVIVS**.  
**Sic & FRIKACVS**, sic **TARLO**, **VERVSSIVS**, atq;  
**LVKOVII** prompti consilio atq; manu.  
**Et MALOCHOVIVS**, causas tractare forenses  
 Qui magna ingenij dexteritate solet.  
**Cur ego BVZINIVM**, quo non humanior alter,  
 Teq; illitaceam **CHRISTOPORINE** parem?  
 Quandoquidem uestrum studijs addictus uterq;  
 Est, animi tanta religione, sacris.  
**Hoc facit & SMOLICVS** candore insignis in aula,  
 Deditus & studijs ingeniosus **HINEK**.  
**Et IVSTVS DECIVS**, simili uirtute notandus,  
 Gratus & ingenuo pectore **BLESCINIVS**.  
**Et cum BOGVSIO FALLENTIVS**, inclyta uirtus  
 Grator, à pulchris cum uenit, esse solet.  
**Sic & COSVCIVS**, Lauri de fronde coronam  
 Qui blando insignem carmine promeruit.  
**Sic & DROIEVIVS**, sic & **VAPOVIVS** ille  
 Stillant Hyblæi cuius ab ore faui.  
**Sic & munificus**, Regi, **MORSTINVS**, & aula  
 Officij gratus sedulitate sui.  
**Sic ille herois Raduili fidus Achates**  
**GRAIOVIVS** mitis, **CMITA**q; diues opum.  
**Et maior uirtute sacra TRAIANVS**, & illo  
 Cæsare, cuius tam nobile nomen habet.

Sic

**Sic** & **BRONEVIVS**, *Nafonis amabile carmen,*  
*Cui uena ante alios liberiore fluit.*  
**DERNASCVS**q; *ingens Musarum lumen, & deer*  
**HERBORTVS**, *qui iam canuit ante diem,*  
**Tu** quoq; *Lituanæ NARVSEVI prima iuuentæ*  
*Gloria, candidius qui niue pectus habes.*  
**Papa** *fremas utcunq; uoles, Acherontaq; & ipsum*  
*Commoueas, nostro tu tamen orbe rues.*  
**Aspice** *doctorum lingua, calamoq; potentum,*  
*In te certatim fulmina quanta ruant.*  
**Primus** **ORICHOVIVS**, *patriæ prænobile lumen,*  
*Atq; ipso tantum est qui Cicerone minor,*  
**Ingreditur** *pugnam, ductaq; uxore sacerdos,*  
*Sæua tibi audaci pectore bella mouet:*  
**Scriptaq;** *Christiacum doctissima spargit in orbem,*  
*Hinc illum merito gloria summa manet.*  
**Nec** *minor & FRICIO debetur gloria, cum sit*  
*Ingenio magnus, magnus & eloquio.*  
**Quem** *morum grauitas, doctrina amplissima rerum,*  
*Christiaco primis æquat in orbe uiris.*  
**Scriptaq;** *fecerunt tibi formidabilis ut sit*  
*Dire Papa, æterno tempore digna legi.*  
**Succedit** **LVTOMIRVS** *non segnior istis*  
*Excelsq; animo tam bona cepta iuuat.*  
**Quaq;** *datur calamo populatur & ore deserto*  
*Regna tua, & Christum prouehit usq; suum,*  
**Hunc** *sequitur merito Constantis nomine dictus*  
**TREPCA** *meus, nitido nobilis eloquio.*  
**Promouet** *hic, patrio scriptis sermone libellis,*  
*Egregie fidei dogmata pura sacra.*

Hoc facit & ZACIVS, doctrina laude secundus  
 Nulli & linguarum cognitione trium.  
 Et FOELIX CRVCIGER, tam pulchro nomine dignus,  
 Felicem ob Christum cum ferat ille crucem.  
 Sic & GREGORIVS sancta gravitate notandus,  
 Felsnicia Christi qui moderatur oues.  
 Sic & SARNICIVS, sic tu facunde CROVICI,  
 Quem saepe ob Christum tristitia multa premunt.  
 Sic VITRELLINVS, sic humanissimus ille  
 SYLVIVS & praestans pectore & ore VALENS.  
 Tu quoq; PINCOVIÆ moderator summe iuuentæ  
 Surgit ubi primus religionis honor,  
 ORSACI, fidos meruerunt, cuius, amicos  
 Pectora Sythonia candidiora niue.  
 Sic & BRODENIS, decus altum è gente Boema,  
 CHODOVIVS q; armis ut pietate nitens.  
 TARNAVIVS q; sacras qui gnaviter excolit artes,  
 Atq; opibus doctos subleuat usq; viros.  
 Accedunt numerum NIGER & LINDNERVS ad istum,  
 Quorum sacra Laure a fronte uiret.  
 Et VARSEVICIVS, patria q; amplissima terræ  
 Gloria, doctrina laude COCHANOVII.  
 Et duo ZELENII, quorum alter iure peritus,  
 Est alter Latio promptus in eloquio.  
 Cur ego MILEVIVM? cur te mellite ZEMICI  
 Non numerem? teq; his FREDRO diserte parem?  
 Excelsiq; animi iuuenem, quem ZBANSIA praestans  
 Prottulit antiqua nobilitate domus.  
 Non tantum arguto calamo, iinguaq; diserta,  
 Sed ualet & forti Martius ille manu.

**Sic CIRNEIOVIVS, sic LANCIUS** ille superstes,  
 Cui dant Castaliae laurea ferta Deae.  
**Sic & MANCINIVS, sic & POLEIVS** ille  
 Facundus, qui te Posna beata colit.  
**Sic NEMAIQVIVS, sic CHRIPCIVS, atq; disertus**  
 Ingenij præstans laude ROKOSEVIVS.  
**Labraq; Pegaseis nuper qui proluit undis**  
**ZALEVIVS, pestis magna futura Papæ.**  
**Et Iusti Decij frater LODOVICVS, & ipso**  
 Non minor ingenij dexteritate patre.  
**Quiq; tuam scriptis patriam immortalibus ornans**  
**AGRIPPA, Aonijs non abigende choris.**  
**Huic numero iure accedit LVBELIVS** ille.  
 Qui tibi carminibus Reie secundus erit.  
**Festiusq; iocis salibusq; insignis, & alter**  
**CARIO Sarmatica VOLSCVS** in historia.  
**CHMELOVIVSq; bonas qui tractat sedulus artes,**  
 Et gratus mihi GRANDSIVS ingenio.  
**Atq; Machaonia præstans MILANTIVS arte,**  
 Tuq; Silestiaci lux EPHORINE soli.  
**Ergo fremas utcunq; uoles, nil proficis, imò**  
 Imminet hoc citius Papa ruina tibi.  
**Quò magis obfistis, nil uis, nil arma iuuabunt,**  
 In nos illa tibi si capienda putas.  
**Militia si respicias belloq; potentes,**  
 E prima Regni nobilitate, uiros,  
**Res mira in Christum quanta pietate feruntur,**  
 In te magnanimi prælia quanta mouent.  
**HERBORTI, IAZLOVECII, TARLONES, & alto**  
 Heroùm nati sanguine PILECII.

Sic &

Sic & ZAMOISCVS, sic & SECIGNOVIVS acer  
 Et iuvenes belli fulmina SENAVII.  
 Quiq; Palatino gaudet patre STARECHOVINVS,  
 Et simili gaudet qui patre CHODECIVS.  
 Et duo CZARNCOVII, stirps SANDIVOIA, quorum  
 Præstat uterq; armis, præstat uterq; toga.  
 Sic & GOSTINII, sic & grauitate uerendus  
 Papa tibi, & celso pectore, MARSEVIVS.  
 Sic etiam genus egregium SVIDONES, & illi  
 Cui NOVA cognomen RVRA dedere suum,  
 Atq; ad eò iuuenum GORCANA est quisquis in aula,  
 Qua semper magnis splendet adaueta bonis.  
 Sic & KACKOVII, Martis tria fulmina, fratres.  
 Et GORSCVS præses Schouia clara tuus,  
 Quiq; regit nunc Conuius DIADVSIVS arces,  
 Candidaq; o nimium pectora SMIGELII.  
 Sic & ZAREMBÆ iuvenes, gens incluta bello,  
 Ingenij & pollens dexteritate boni.  
 VISOCIVS sic ille grauis, iurisq; peritus  
 PRZIEMIVS prudens, & duo RIDZINII.  
 Sic & IANCOVII dites, & pronus ad arma  
 MARTIVS IWENIVS, fortis & OSSOVIVS.  
 Et PREBOROVIVS prægrandi corpore VACHVS,  
 Clarus & humano BNINIVS ingenio.  
 Sic illi similis MALECHOVIVS, acer & ille  
 CHELMIVS intrepido pectore REMIGIVS.  
 Par etiam fratri, Populi Victoria nomen  
 Cui dedit, ingenti robore OLESNICIVS.  
 Et loca qui uicina tenet GOLVCHOVIVS, atq;  
 Eloquij excellens laude KOLACKOVIVS.

Sic & CONARII, tetriq; idola Papatus  
 Qui solet in templis frangere CHISSOVIUS  
 SILNICIVSq; acer, fortisq; IVANVS in armis,  
 GLINCONVM & præstans integritate domus.  
 Sic etiam sancta dignæ omni laude parentis,  
 DLVSSII, ad exemplum, qui pietate nitent.  
 Sic PLASÆ egregij, sic & MAVORTIVS ille  
 LVKOVIVS, lingua consilioq; ualens.  
 Sic & SZASSOVII præsignes robore fratres,  
 Et claro natus sanguine CIZOVIVS.  
 Et PENASCONVM generis laus maxima IANVS,  
 Seu quis uirtutem, seu tueatur opes.  
 Maiorem at laudem uera pietate meretur,  
 In Premisliaco qua nitet ille solo.  
 Sic & BALONES, sic & DOMARATIVS, atq;  
 Proni ad bella feri Martis ORICHOVII.  
 Sed nec abest OLESINIVS, nec CHELMIVS ille  
 Qui Marte à duro nobile nomen habet.  
 Sic SCEPANOVIVS, sic causas CMITA forenses  
 Qui bene sincero pectore fidus agit.  
 Sic RAISCVS sic illa dedit cui SCIPIO nomen  
 Tot a domus, mitis sic quoq; LVBCINIVS  
 Sic CZESCVS cognomen habens à gente Boema.  
 Sic etiam Dominus uilla QUILINA tuus.  
 Sic Mazouitica SVENCICIVS incola terra,  
 Et domus à seuis Martia dicta LVPIS.  
 Sic & COSSINIVS, sic Reij filia uatis,  
 Cui nupsit, præstans robore SVENCICIVS.  
 Magnanimus iungit sua castra BONARVS in eisdem,  
 Præfecturam urbis qui Biicensis habet.

Et fauer

Et fauet ingenijs doctorum, & honoribus amplis  
Musarum famulos & sacra nostra colit.  
Ponè illum sequitur uirtute BRONEVIVS ingens,  
IORDANVSq; cato nobilis ingenio.  
Sic etiam VCHANIVS generis sic gloria magni,  
Ingenio excellens BARZIVS atq; manu.  
TRICESIVS; domus penè omnis magna poetæ,  
Inclÿta quæ aurati stapedis arma gerit.  
HIPPOLYTVS; ROKOS cum fratre ad prælia nato,  
Qui magna historias fedulitate legit,  
Et VELOPOLII prudentes atq; GLADISSI,  
Et promptus forti STRASSVS uterq; manu.  
Et cum germanis ANDREAS ille BONARVS  
Excellens magni dotibus ingenij.  
Atq; PIASCOVIVS niueo candore notandus,  
Cui nunc VELICII est cura secunda salis.  
Post te BVZINI: sicille facetus eodem  
Qui BOCHNÆ excellit munere KRICOVIVS.  
Totaq; nobilium uera pietate uirorum,  
Turba, Salinarum quæ moderamen habet.  
Hanc quia SROTERI celebravit Musa poetæ,  
Nunc erit hic meritò prætereunda mihi.  
Sed quo raptus eram? quæ nam hæc audacia mentem  
Cæperat incautam sollicitare mihi?  
Ecquis enim exiguis elegis numerauerit omnes  
Lachidos in Regno qui sacra pura colunt?  
Parcite prætereunt quos carmina nostra, meamq;  
Credite uos ergà non minus esse fidem.

Parcite

Parcite, nostro omnes si dicere carmine uellem.  
 Ipsa maius opus surgeret Æneide,  
 Hos nē igitur speras Aloisi, ut inertia quādam  
 Pectora, te patrijs uincere posse dolis?  
 Falleris infelix, imō hęc quęcunq; miraris  
 S. ut ipsi potius cuncta cauenda tibi.  
 Non ita magnanimi, gens libertate, Poloni,  
 Christiaco primum, quę tenet orbe locum,  
 Terrentur facile plumbo ceraq;, uel illis  
 Quas misera Hesperio plebs timet orbe minis.  
 Et populi nunquam quos perdomuere feroces,  
 Illorum regni qui latus omne premunt,  
 Hos Latij poterint hac tempestate Cyncedi,  
 Sub iuga iam notis cogere sæua dolis?  
 Rex etiam Augustus, quo nil mansuetius unquam,  
 Subdita Parrhasio Regna habuere polo:  
 In sæui mutare lupi quod debeat agnus  
 Naturam mitis, desine uelle, suam.  
 More atauit, scelicus aui, Magniq; parentis,  
 Imperium placidē nam reget ille suum,  
 Nec si etiam cunctos repetas ab origine Reges,  
 Quos Iagellonis prottulit alma domus,  
 Inuenies aliud, nisi quod clementia summa  
 Insignes illos conspicuosq; facit.  
 Hactenus hic etiam sumptus ita rexit habenas,  
 Naturę & placidis dotibus emicuit,  
 Ut nulli Regum toto sit in orbe secundus,  
 Ipsa sed egregijs laudibus astra petat.  
 Has laudes non ille tui stultissime causa,  
 In uentos unquam, ut reris, abire sinet.

Nec

Nec sanctus franget leges, pulchrumq; tyranni  
Inmanis nomen sentiet esse sibi.  
Nec cupido innocui Papa suadente cruoris,  
Nostra premet saeuo libera colla iugo.  
Illietiam Proceres quos ornat mitra bicornis,  
Quiq; ferunt celsi Pontificale pedum.  
Non adeo, in uestri iurantes uerba tyranni,  
Naturam mitem deposuere suam:  
Vt ferro cupiant populari, atq; ignibus illos  
Diuersa à Latio qui sacra more colunt.  
Nam plerosq; uides illis ita sanguine iunctos,  
His sine uti nequeat salua manere domus.  
Versuros tu nè, ergò putas in uiscera ferrum?  
Cunctaq; moturos seditione graui?  
Falleris, imò etiam prasagia falsa piorum  
Quandoquidem clemens non fuit esse Deus,  
Omnes speramus certòq; breuiq; futurum,  
Excutient uestri quod iuga saeva Papæ.  
Restituentq; suis purissima sacra Polonis,  
Qualia sancti olim constituere Patres.  
Sic toto Regno Christi unum fiet ouile,  
Gloria quem semper, quem decet omnis honor.

RVAT. MVNDVS, FLOREAT  
IVSTICIA.

IN ALOYSIVM LIPO-  
MANVM VENETVM, EPI-  
SCOPVM VERONENSEM, PAVLI III.  
Romani Pontificis per Poloniam  
Legatum.

ERHARDINISI THVRINGI, IN BO-  
russia Verbi Dei ministri. ELEGIA.

**Q** Vi cupis Ætherei Regnum consingere Regis  
Perfide lætiferis ô Lipomane dolis,  
Damonis & stygij summo molimine cordis  
Lethæam curas amplificare domum.  
Sinceros ficto cum tu sub nomine uultus  
Niteris à summi ducere Rege poli.  
Ad gelidam Papæ cœca caligine noctem,  
Ad tenebras mortis cimmeriasq; trucid.  
Dic memor aq; mihi ueraci pectore causam,  
Nam te non patior fingere falsa mihi.  
Quis te tam fallax infesti Damonis error  
Ad tantum duxit (res miseranda) scelus?  
Quis nam liuor edax, & te tam corde rebellem  
Reddidit? & quis te compulit huc a nimus  
Nil te stelliferi, populi quæ cuncta tuentur  
Crimina, mouerunt numina sancta poli?  
Nil te scripturæ uerbis mandata seueris?  
Hyblæo nil te contio melle Dei?  
Nil te, quæ Christus ueniet durissimus ultor  
Ætas, ut reddat præmia digna malis?  
Nil te flammiumus torrentis tartarus ignis  
Mouit, quo dignus ni resipiscis eris?

Ingens

Ingens impietate scelus, proh crimen & ingens,  
 Numina tam parui pendere sancta uirum.  
 Horrendum dictu, cogor tamen ipse fateri,  
 Impietatis amans, nil pietatis habes,  
 Fistula ceu dulci promit modulamine cantus  
 Aucupis, insidijs quo capiatur auis:  
 Sic tu blandiloquo fingis sub pectore fucos,  
 Ut populos orbes cognitione Dei.  
 Blandus adis mentes sed te non sanior ullus,  
 Qui magis & Christi depopuletur oues.  
 Simplicibus quamuis ouium te pellibus ornes,  
 Sauiq; mordenti pectora fraude tegas.  
 Hac rabies mentis fructu monstrante patescit,  
 Indicat & sauum te tamen esse lupum.  
 Insidias stabulis tentat qui ponere Christi.  
 Ut gelidam cunctis inferat ipse necem.  
 Haud incerta cano hoc itidem tua Epistola monstrat  
 Tradita Sarmatico phlegmate plena Duci.  
 Quisquis ad hanc puri uertat sua lumina uultus,  
 Et scelerata tua pectora fraudis habet.  
 Hic, quibus à Christo Radiuili corda nefandis,  
 Illecebris reuoces, rite uidebit ibi.  
 Ille sed ingenio cum sit iam inuictus acuto,  
 Atq; pia foueat cum probitate fidem.  
 Ille pio superum celebret cum corde Parentem,  
 Et sit non falsæ religionis amans  
 Blanda susurranti quæ tu mendacia lingua  
 Sparxisti, hinc armis reppulit ille suis:  
 Armis, quæ sacro Christus, quæ dogmate Paulus  
 Omni monstrantes proposuere gregi.

Ille tibi fortis pellem detraxit ouinam,  
Omnibus ostendens pectora dira lupi.  
Detectum cunctis apparuit inde Barathrum,  
Quo stygius miser as Papa necauit oues.  
Cernitur hic fructus Papæ, cernuntur & acta,  
Regna quibus cœli saluus adire putat.  
Gratia sed Christi, pariunt non facta, salutem,  
Nos saluos reddit gratia sola Dei.  
Sanguine qui clausum roseo referauit Olympum,  
Perpetuasq; pijs morte parauit opes.  
Hæc tu constanti fueris si uoce professus,  
Astra petes iustus, non dubitante fide.  
Hancq; uiam monstrat tibi, nobilis ille, salutis,  
Princeps Sarmatiæ, hanc consule, saluus eris.  
Quod si non facies, quod si contemnere pergis,  
Non tenui pœnam tu sine labe d. bis.  
Vltor enim celsa ueniet iam Christus ab arce  
Extremumq; putes non procul esse dieu.  
Tum stygias subito tu prosternèris in undas,  
Hocq; feres factus præmia digna loco.  
Horrida stebilibus tandem tormenta querelis,  
Cum prauis cernes te sine fine pati.  
Scribere plura libet, sed iam Lipomane Camcenæ  
Scribendi calamum surripuère mihi.  
Hæc tibi quæ cecini, resipiscens condita ser es,  
Atq; legas fructu non pereunte, Vale.  
Tu sed Phœbeæ constans ô lampadis instar  
Dux Radiulonum perpetuumq; decus,  
Perge, tuis armis arce to finibus hostem,  
Hoc bellum est iustum, prælia iusta geris


71  
Talia uicttricem nactus per praelia palmam,  
Palmam præstantis militis usq; ferēs.  
Inclita Sarmaticæ semper sic gloria gentis,  
Gloria cunctorum quos regis ipse manes.  
Celsa ruant potius quàm summi culmina cœli,  
Et totus pereat quicquid orbis habet,  
Quam tuus à Christo labatur pectore uultus,  
Quam tua sydereo pectora Rege cadant.  
Hæc tibi Diuini maneat constantia uerbi,  
Donec tu Cœli gaudia læta petas.  
Æthereo, cunctis qui nos uirtutibus auget,  
Huic soli semper gloria summa, Deo.

MATTH. XI.

Estote prudentes sicut Serpentes, &  
simplices sicut columbae.



M. D. LVI.





Wyniama z Biblioteki Korwickiej  
z daru Walezyńskiego 28.X.1927

Biblioteka Jagiellońska



stdr0034850

